

Jan

Jaan

Enycouye kə

Jaan

ηρα α

Enyoudisa

Wema əla i nyi ənjə nyce wema amənəatə kə lə akjəjə wema yeye a mə a. Ènjə nyce wema əla, Yesu ə dəkprəvi Jaan i ηρα ε, è ηρα ε i sə qə disa bə Mawunyu xə àgbətə ye nūmə i va nō mía domə(1 :14). È jrə ənu arəkpa arəkpa wo i sə qə ace Mawutə kidə kafukafu Mawutə kə i wəqə disa. I gbə qə disa bə Yesu i nyi ənyu a, èmə a, àgbə a. È ηρα wema a cagbətə nə mia xcsə bə Yesu i nyi Kriso Mawu Èvia, ənə a mia kpə agbə to ye njkə mə(20 :31).Jaan nu bə Yesu gbə wə dəsi ənujiwuntə sugbə bu wo , i wo nj lə wema əla mə o. Ènyu qəwo le i lə Jaan wema əla mə i nyi qekənya kidə Matie, Makə kidə Luka wo wema. V̄a, Jaan gbə ηρα ənyu kidə ənujiwun qekawo, i gbə ləxə qəwo də ye wema mə i nj lə wema qeawo mə o. Ènujiwun kə i wə awo qoo kə :Èfyoxadəwətə ganjgan qeka əvi(Jaan4 :46-54) ;Dənə kə èdè nō lə Beteyisada ètə to a(Jaan5 :1-9), amə kə wo ji njcən a(Jaan9 :6-7), èci trɔzun veeen(Jaan2 :1-11) ; Laza nyu va àgbə(Jaan11 :1-44) ; Èhwé lələ ənəatə(Jaan21 :1-11). Ènyota kə ji Jaan xonu do awo kə :

1

Enyu kə na nə kəkrə amə a

¹ Co gòməjəjə a, Ènyu a le; Ènyu a le kidə Mawu, i Ènyu a nyi Mawu. ² Ènyu a le kidə Mawu co gòməjəjə. ³ Yeji i Mawu to, i wə ənu wo see; nj wə ənuqəken ya ma ləmə o. ⁴ Ye mə i àgbə lə, i àgbə nyi kəkrə nə àgbətə wo ⁵ Kəkrə a lə kə lə zubrumə, i zubru nj xə ε o. ⁶ Mawu də aməqeka qida, i wo yə nə ε bə Jaan. ⁷ È va sigbə əkunu qətə ənə, i a q'əkunu nə kəkrə a, nə amə wo see na toji, i xə kəkrə a sə. ⁸ Ñ nyi yenja i nyi kəkrə a o, v̄a a, è qo la q'əkunu nə kəkrə a. ⁹ Kəkrə hunna qekən i nyi kəkrə àdòdo kə va xixə a mə, i kə nə àgbətə wo see a. ¹⁰ È lə xixə a mə, i Mawu qo xixə a to ji; v̄a a, xixə a nj dəsi i o. ¹¹ È

va yetɔ wo gbo, i yetɔ wo ñ xc ε o. ¹²Và a, amə kə xc ε, i ka dəji awo a, é na wo àce nə wo a trɔzun Mawuvi. ¹³Wó ñ trɔzun Mawuvi wo to əhùn gbramə o, wó ñ nyi i to ɳtiran yə jro mə o, kpɔ wó ñ nyi to àgbətɔ ə jro mə o, vò a, Mawu ɳta, i cɔ wo wɔ əvi a wo.

¹⁴Enyc a, trɔzun àgbətɔ, i nɔ mía domə, é ɖɔ nə àfənu kidə àdòdo. Mi kpɔ ye kèkrə, kèkrə hunna (hunna a ə xc ε lə dàdà gbo i ñ nyi əvi a ɖekən akɔŋgo kə ɖɔ nə rɔnɔrɔn kidə adòdò a tɔ) kə Enyi akɔŋgo a xc nɔ co Dàdà gbo a. ¹⁵Jaan ɖə əkunu nə ε, i də àxa bə: «Amə kə y'enyɔ i ñ nu, gákəmə ñ nu bə: "Nyucu ɖeka lə tiin ɳgbə gboñc, Amə hunna wu ègan ñ, dō é le gbɔxø ñ va jɔ a kə."» ¹⁶To rɔnɔrɔn gaŋgan kə i dō nə mi a mə a, é na àdòku nu wo miawo see, i wɔ afənu wo nə mi ədə də ədə ji. ¹⁷Mawu na mí əsə to Moyizi ji, vò a, rɔnɔrɔn kidə àdòdo va to Yesu Kriso ji. ¹⁸Amə ɖə ñ kpɔ Mawu kpɔ o, vò a, əvi akɔŋgo kə nyi Mawu, i nε kidə e a, i ɖə e disa nə mi.

Jaan Mawucilənamə tɔ a nu Mawunyɔ

(Mati 3:1-12; Makə 1:1-8; Luka 3:1-18)

¹⁹Ekunu kə Jaan ɖə gákəmə jifugan kə lə Jérizalemù a wo dɔ Mawuvɔsatɔ wo kidə levii vi wo ɖienda ε, nə wo a ve ka ε sə bə: «Mə ε i ə nyi ?» a kə. ²⁰Ñ mɔ o, é ɖə mə lə amə wo ɳkɔ bə: « Nyi ñ nyi Kriso Xògantɔ a o.» ²¹I wó ka ε sə bə: «Mə ε i ə nyi? Ewo i nyi Elii a a?» Í gbə nə wo bə: « Eo, ənyə i goo», Wó gbə ka ε sə bə: «Mawugbədɔtɔ a i ə nyi a?» Í gbə nə wo bə: «Eo» ²²Wó va ka ε sə xotɔn bə: «Mee i ə nyi tutu? Mí dō a ve dō ègbə nə amə kə dɔ mi ɖienda awo, Mə ε i wo ɳta ə nunc bə ye nyi ?». ²³Jaan nu nə wo bə: «Enyə i nyi amə kə lə də àxa lə zògbəji a: "Mi gra əmɔ do nə Àxotɔ a", sigbə Mawugbədɔtɔ Ezayi nu i a». ²⁴Farizì wo lə amə kə wo dɔ ɖienda Jaan gbo awo domə.

²⁵Wó ka ε sə bə: «Kə ñ nyi Kriso a o, nɔmi Eli o, nɔmi Mawugbədɔtɔ a o, nukee jɔ i ə lə lə Mawuci nə amə wo ?» ²⁶Jaan nu nə wo bə: «Enyə a, əci i ñ sə lə lə Mawuci nə mi, vò a, amə ɖeka lə miadomə, i mi ñ dəsi i o. ²⁷Í lə tiin ɳgbə gboñc, nyi ñ jə i a tu ye fɔkpakawo kpete o.» ²⁸Enu hunna wo jɔ lə Betaniì, lə Judeen tɔ a ɳgbə, lə fi Jaan lə Mawuci nə amə lə a.

Arengbɔvi Mawutɔ

²⁹Lə ye ɳkəgbə a, Jaan kpɔ Yesu i ñ gboñc gbo, i ñ bə: «Mi kpɔ! arengbɔvi Mawu tɔ ke cɔ xixə a nuncen wo sə k ə e a kə. ³⁰Amə əla i nyi Amə kə y'enyɔ i ñ nu, gákəmə ñ nu bə: "Nyucu ɖeka lə tiin ɳgbə gboñc, Amə hunna wu ègan ñ, dō é le gbɔxø ñ va jɔ." ³¹Nyi ñ desi i ɖedeca o, vò a, ñ va lə Mawuci n ə amə wo kidə əci, nə ma ɖə e disa nə Izrayelə

dukon a.»³² Jaan də əkunu bə: «Ij kpo Mawu gbɔngbɔn dì co èji sigbə aloŋkùkù ənə, i va jə də ji.³³ Nyi í desi i qeñeca o, vò a, Mawu kə də ñ qida bə ma cə èci lə Mawuci nə amə wo a, nu ñ bə: "Amə kə ji aa kpo Mawu gbɔngbɔn la dì do, i la nɔ ji a. Amə hunna i la cə Gbɔngbɔn Koko sə lə Mawuci nə amə wo."³⁴ Ènyə ñta ñ kpo ənu kə jə a, i də əkunu bə ye i nyi Mawu Èvi"

Yesu ye dəkprɔvi jə ñkɔtɔ wo

³⁵ Ye ñkəgbə a, Jaan gbə va leena, kidə ye dəkprɔvi aməvə. ³⁶ Kə i kpo Yesu vayikə a, é nu bə: « Mi kpo ! Arengbɔvi Mawu tɔ a kə.»³⁷ Kə Jaan ye dəkprɔvi aməvə awo sə ənyu kə ì nu a, wo kprɔ Yesu do. ³⁸ Yesu trɔ kpo ñgbə, i kpo bə wo kprɔ əye do, i ka wo sə bə: «Nukee mi lə ji?» Wó rɔn nə ε bə: «Rabi fi ə nɔnɔ?» Rabi a ye gɔmə i nyi "Ènukpramətɔ." ³⁹ Yesu rɔn nə wo bə: «Mi va kpo lə fi ñ nɔnɔ a.» Wó kprɔ ε do yi ləfi i nɔnɔ a, i nɔ gbo gbona na. Ènu hunna lə jo lə wetrɔ gà amənè mə yikə. ⁴⁰ Andre kə nyi Simɔù Pyee ye nɔvi a, lə àdəkprɔvi aməvə ke sə Jaan ye nyɔ, i kprɔ Yesu do awo mə. ⁴¹ Andre yi i ve kpo nɔji a Simɔù jəñkə, i nu nə ε bə: «Mí kpo Kriso Xògantɔ a!»⁴² È kprɔ ε va Yesu gbo. Yesu kpo Simɔù nyɔñgbin, i nu nə ε bə: « Èwo i nyi Simɔù, Jaan y'èvi, wo a yɔ n'èwo bə Sefasi.» Ye gɔmə i nyi èkpə.

Yesu yɔ Filipù kidə Natanayelə

⁴³ Lə ye ñkəgbə a, Yesu cə ənu yikə Galilee. È dogo Filipù i nu nə ε bə: «Kprɔ ñ do!»⁴⁴ Filipù a Betsayidatɔ i ì nyi, èdùgan kə mə Andre kidə Pyee ca co a. ⁴⁵ Filipù ve kpo Nathanayelə i nu nə ε bə: « Amə kə ñu Moyizì xonu do l'èssə wema mə, i Mawugbədötɔ wo ca wo xonu do a, mí kpo ε. Yesu Nazaretətɔ Jozefu èvi a i.»⁴⁶ Natanayelə ka Filipù sə bə: «Ènu nyɔñgbin də a tə í co Nazaretə a ?» Filipù nu nə ε bə: «Va, nə na kpo.»⁴⁷ Kə Yesu kpo Natanayelə gboñca gbo a, é nu də ñ bə: «Mi kpo! Izrayeləvi àdòdo, kə ñu ənu jə àgò ñekən ñ lə a kə.»⁴⁸ Natanayelə ka Yesu sə bə: «Fi ə dəsi ñ co?» i Yesu nu nə ε bə: «Gbɔxo Filipù na va yɔ əwo, gákəmə ə lə Figit i gɔmə a, ñ kpo əwo.»⁴⁹ Natanayelə nu bə: «Ènukpramətɔ! Èwo i nyi Mawuvi a, əwo i nyi Izrayeləfyc.»⁵⁰ Yesu nu nə ε bə: «Cagbə kə ñ nu bə ñ kpo əwo lə figiti gɔmə a, ə xɔsə, aa gbə kpo ənu kə ganñgan wu ənə awo.»⁵¹ È gbo nu deji bə: «Ma nu àdòdo nə mi, mi a kpo i jinjkor i la hun, i Mawujədotɔ wo la lə yi èji, i la lə dì də ənyə Àgbətɔ yevi a ji.»

Yesu jrə ənujiwun jəŋkətə lə Kana

1

ye ŋkəkə ətɔn a tɔ gbə a, wo lə lé alɔ lə Kana lə Galilee, i Yesu ə nana leena. ² Wo yɔ Yesu kidə ye dəkprɔvi wo ca, i wo yi alɔlələ a toho. ³ Kə veeen va vɔ a, Yesu ə nana va nu nə ε bə: «Veeen vɔ lə wo si.» ⁴ Vɔ a, Yesu ɖo ɳti nə ε bə: « Nana, hunna ȏ nyi tɔɔnyɔ o, tiinga ȏ xo haɖo o.» ⁵ Ye nana nu nə amə kə lə ma ənuqdu awo bə: «Mi wɔ ənu kə à nu nə mi awo see.» ⁶ Èdən ganjgan kə wo cɔ əkpə sə wɔ a, amadən leena, i jifu wo du nə əci də mə i na sə wɔ əkɔnu cɔcɔ də kɔkɔjít. Èdən awo ɖeka ɖeka xɔ nə əci sigbə litri kavə(80) nɔmi katɔn(120) ənə. ⁷ Yesu nu nə ənuqdu matɔ awo bə: «Mi du əci ɖɔ ədən hunna wo.»; i wó du əci ɖɔ wo trede. ⁸ Yesu nu nə wo bə: «Ifia, mi ku i sə yi nə ənuqdujikpɔtɔ a,» i wo ku i sə yi nə ε. ⁹ Ènuqdu jikpɔtɔ a ɖɔ əci kə trɔzun veeen a kpɔ, ȏ dəsi ləfi veeen hunna co o. Vɔ a, ənuqduumatɔ kə dù əci də ədən a mə awo nya. Ènə a, ənuqdujikpɔtɔ a yɔ nyɔrunɖətɔ a, ¹⁰ i nu nə ε bə: «Veeen nyɔngbin a i amə qəsiadə na nə amə wo jəŋkɔ, i nə amə wo nu àhà i i sun wo jrɔ a, wo a va ɖə àhà kə ȏ nyɔ ɖo ənə a do. Vɔ a, wa cɔ veeen nyɔngbin a ɖe kəkə jə ifia.» ¹¹ Ènu jiwun jəkɔtɔ kə Yesu wɔ a nə; lə Kana, lə Galile nyigban ji. Sigbə Yesu ɖə ye kàfukafu disa mə a nə, i ye dəkprɔviwo xɔ ε sə. ¹² Hunna ɳgbə a, Yesu trɔ va yi kapenawumù, kidə ye nana, ye nɔvi wo kidə ye dəkprɔvi wo; i wo nɔ leena nə ɳkəkə hɔɖeka.

Yesu nya ənusatɔwo do lə Mawusənxo

Matie 21:12-13; Makə 11:15-17; Luka 19:45-46

¹³ Dìdivayixo jifu wo tɔ ye ɖùqùzan təbɔ, i Yesu yì Jərizalemù ¹⁴ Yesu kpɔ amə wo lə sa lala wo kidə arengbɔ wo, kidə àhwènnè wo lə Mawu sənxo a. È kpɔ əho ɖɔritɔwo ca i wo kanren ɖe də wo kprɔ wo to. ¹⁵ Kə i kpɔ ənə a, é cɔ əka i sə wɔ sɔvo, i nya wo see ji i lə Mawusənxo a, é nya wo kidə arengbɔ wo, kidə lala wo; é kaka əhodjəritɔ wo ho, i fri wo kprɔn wo də anyigbanmə. ¹⁶ È nu nə amə kə lə sa àhwènè awo bə: « Mi lɔ ənu hunna wo see ji lela, mi ȏ ka cɔ tiin Dada ye xomə sə wɔ àjɔ doxo o.» ¹⁷ Ye dəkprɔvi wo ɖoju bə wo ɳrɔ ɖe bə: «Rɔnrɔn kə ɳ wɔ ɖe nə taaxo a, lə bi lə ənyə mə sigbə èzò ənə.» ¹⁸ Vɔ a, jifugan wo xɔ nuxo i lə byɔ ε sə bə: «Amrimanu kə e i aa jrə, i la sə dìsa nə mi bə é wɔ àce ɖe, i a wɔ ənə?» ¹⁹ Yesu ɖo ɳti nə wo bə: Mi gban bɔbɔxɔ əla, naa trɔ tu i lə ɳkəkə ətɔn mə.» ²⁰ Jifu wo nu nə ε bə: «Èxo hoka ciadən (46) i wo cɔ də ətə i sə tu bɔbɔxɔ əla, i wa la cɔ ɳkəkə amətɔn sə tu i a?» ²¹ Vɔ a, bɔbɔxɔ kə ə nyɔ Yesu lə nu a, i nyi ye ɳtiran. ²² Yeido, gákəmə Yesu nyɔ co əku a, ye dəkprɔvi wo ɖoju bə é nu ənə nə yewo kpɔ; i wó

xɔ ənu kɛ wo ɲɔrɔ dɛ Mawunyɔ wema me awo kidɛ ənyɔ kɛ Yesu nu nɛ wo awo sə.

²³ Gàkəmə Yesu lə Jérizalemù lə dìdivayixo gamə a, amə sùgbɔ xɔ ε sə, dɔ wo kpɔ amrima nu kɛ i lə jrə awo. ²⁴ Vò a, Yesu ñ ka də wo ji o, dɔ é dəsi wo see nyɔŋgbin; ²⁵ ñ gbɛ hian bə wo a nu ənyɔ də amə də ñ o, dɔ ye ñta dəsi ənu kɛ lə àgbətɔ wo ye mə a.

3

Yesu kidɛ Nikodemù

¹ Ijucu ɖeka lə farizitɔ wo mə, i wo yɔ nə ε bə Nikodemù; ó nyi ɖeka lə jifu gan wo mə. ² É zɔn əzan gbədəka, i va kpɔ Yesu, i nu nə ε bə: «Enukpramətɔ, mí nya bə Mawu i dɔ əwo dìda nə na kpra ənu mí, dɔ amə ɖekən ñ ka tə ñ wɔ dəsi kɛ e lə wɔ awo nə Mawu ñ lə kidɛ e o.» ³ Yesu rɔn nə ε bə: «Ma nu àdòdo n'əwo: nə amə də ñ trɔ ɖekia ji o, ñ ka tə ñ kpɔ Mawu fyɔ ɖuɖu a o.» ⁴ Nikodemù lə ka ε sə bə: «Nə amə kə cin a, la gbə tə ñ trɔ ɖeki a ji mɔ? A gbətrɔ dɔ ye nana dɔnmə, i wo a trɔ ji i, i à?» ⁵ Yesu rɔn nə ε bə: «Ma nu àdòdo n'əwo, nə wo ñ ji amədə to èci kidɛ gbɔngbɔn kɔkɔ mə o, ñ ka tə ñ dɔ Mawufyɔ ɖuɖu a mə o. ⁶ Amə kɛ wo ji to ɳtiran mə a, ɳtiran i ñ nyi, amə kɛ wo ji to gbɔngbɔn kɔkɔ mə a, nyi gbɔngbɔn kɔkɔ tɔ. ⁷ Í ka kpaca əwo bə ñ nu nə wo bə: "E lə vəvədə bə na trɔ ɖekiwo ji o". ⁸ Aya xo nɔ yi ləfi jro e a, i ε sə nɔ ye xoxo, vò a, ñ nya nɔ fi i cɔ nɔ nomi fi i yikɔ o. Nənə kɛ i ñ gbə nyi nə aməsyamə kɛ wo ji to gbɔngbɔn kɔkɔ mə a nə.» ⁹ Nikodemù nù nə ε bə: «Nə ənu a tə ñ nyi ənə mɔ?» ¹⁰ Yesu nu nə ε bə: «Enukpramətɔ gaŋgan ɖeka i ñ nyi lə Izrayelə, i ñ dəsi ənu hunna wo à?» ¹¹ Ma nu àdòdo n'əwo: «Enu kə mí nya a, ye nyɔ i mí lə nu, i mí lə də èkunu co ənu kə mí kpɔ a ñ, gaŋkə mi ñ xɔ mía kunu ɖedə sə o. ¹² Nə ñ lə nu ənyɔ nə mi də anyigban əla ənu wo ñ, i mi ñ xɔ sə o, nə mi a wɔ mɔ i la xɔ tiinyc sə gàkəmə na va lə nu ənyɔ nə mi də ənu kɛ lə səxo awo ñ a? ¹³ Amə ɖekən ñ yi səxo gbɔ kpɔ gbədə zən lə Àgbətɔ Èvi kɛ dì co səxo a ñ o. ¹⁴ I sigbə Moyizì cɔ ədan də èji lə zògbèji a, nənə kɛ i wo a cɔ Àgbətɔ Èvi a də èji a nə. ¹⁵ Nə amədəsyadə kɛ a xɔ ε sə a, na kpɔ àgbè mavɔ. ¹⁶ Mawu rɔn àgbətɔ dɔ ənə, i cɔ Èvi a àkoŋgo sə na, nə amə ɖesiadə kɛ a xɔ ε sə a, ñ ka crɔn o, vò a, na kpɔ àgbè mavɔ. ¹⁷ Ðo, Mawu ñ dɔ Èvi a ɖìda xixə a mə, nə à va dɔ kojo nə xixə a o, vò a, É dɔ ε ɖìda nə xixə a na kpɔ xògan toji. ¹⁸ Amə kɛ xɔ ε sə a, wo ñ ka dɔ kojo nə ε o, vò a, amə kɛ ñ xɔ ε sə a, wo dɔ kojo nə ε vɔ. Ðo ñ xɔ Mawu Èvi akonjgo a sə o. ¹⁹ Enu kɛ dɔ i Mawu la dɔ kojo a, kɛ: «Kèkrə va xixə a mə, vò a, amə wo rɔn zubru wu kèkrə a, dɔ wo nu wɔwɔ wo bađa.

²⁰ Amə kə wɔ nə ənuŋcən a, gbə nə kèkrə, i ñ ji nɔ a təbɔ ε o, də ̄ vɔnɔnɔn nɔ cagbə ənuŋcən kə i wɔ nɔ awo ñ ka jə gbaŋgbə o. ²¹ Vò a, amə kə wɔ nə ənu kə sògbə a, va nə kèkrə nu, nə amə wo na kpɔ ənu ənyce kə ï lə wɔ awo, də y'enu wɔwɔ wo sògbə kidə Mawu ye jromənu.

Yesu kidə Jaan Mawucilə namətɔ a

²² Lə hunna ŋgbə a, Yesu kidə ye dəkprɔvi wo yi Judee kanmə, ȴ nɔ leena kidə wo, i lə lə Mawuci nə amə wo. ²³ Jaan ca lə lə Mawuci nə amə wo lə Ayinɔ, lə ma diŋdin mə də Salimù, də ̄eci sùgbə leena. Amə wo yi nə gbɔ, i a lə lə Mawuci nə wo. ²⁴ Wo ñ lə Jaan də gàkpamə ganamə o. ²⁵ ȴnə a, àdikà dàdə ɖeka də Jifu ɖeka kidə Jaan ye dəkprɔvi wo domə, də cɔcɔ də kòkò ji ñ. ²⁶ Wo yi Jaan gbɔ, i ve nu nə ε bə: « ȴnukpramətɔ, amə kə nɔ Judeen tɔ ŋgbə kidə əwo ɖəfeca, i ə ɖ'ekunu nə ε a ca lə lə Mawuci nə amə wo, i àgbətɔ sùgbə lə yi gbɔ.» ²⁷ Jaan nu nə wo bə: « Nə Mawu ñ na ənu ɖə amədə o, ñ ka tə ñ kpɔ ε o. ²⁸ Mia ɳta wo mi a ɖ'ekunu ɳ bə, ɳ nu bə: " Í nyi ənyə i nyi Kriso Xɔgantɔ a o, vò a, wo dɔ ɳ ɖiqa jə ɳkɔ nə ε i. ²⁹ Nyɔrunɖətɔ tɔ i nyi nyɔrun, vò a, nyɔrunɖətɔ a ye xɔ nɔ nə gbɔ, i nə i lə sə nyɔrun ɖetɔ a ye gbə a, ə kpɔ nə jìjì. ȴca ɳ lə kpɔ jìjì ifia, i tiin jìjì kpɔkpɔ lə brəbu. ³⁰ E jə bə ye ɳkɔ na lə yi əji, nə tinyə na lə yi àgòmè.

Amə kə co səxo va a

³¹ Amə kə co səxo va a, wugan amə ɖəsiadə. Amə kə lə anyigban ji a, anyigban ji tɔ i ñ nyi, i nu nə anyigban ji ye nyɔ wo. Vò a, amə kə co səxo va a wugan amə ɖəsiadə nyawo. ³² ȴ ɖə nə əkunu nə ənu kə ï kpɔ a, kidə ənu kə ï sə a. Vò a, amədə ñ xɔ nə ye kunu ɖədə o. ³³ Amə kə xɔ nə ye kunu ɖədə awo ɖe nɔ disa bə Mawunyɔ nyi àdòdo. ³⁴ Amə kə Mawu dɔ ɖiqa a, Mawu nyɔ i ï nu nɔ. ȴ Mawu ɳ də nə rixo nə ye gbɔngbɔn kə i na nɔ amə kə ï dɔ ɖiqa a o. ³⁵ Dàdà a rɔn ȴvi a, i cɔ ənu wo see də àsi mə nə ε. ³⁶ Amə kə xɔ ȴvi a sə a, kpɔ àgbə mavɔ; vò a, amə kə ñ sə nə ȴtonu nə ȴvi a o, ñ ka kpɔ àgbə mavɔ o, i Mawu ye xoməfyen lə amə hunna ji."»

4

Yesu xonu kidə nyɔrun Samari tɔ ɖeka

¹ Yesu nya bə Farizitɔ wo sə bə ye lə kpɔ àdəkprɔvi wo wu, i gbə lə lə Mawuci nə amə wo wu Jaan. ² Vò a, lə àdòdo mə a, Yesu ɳta ñ lə lə Mawuci nə amədə o, ye dəkprɔvi wo i lə lə e nə amə wo. ³ ȴnə a, ȴ co lə Judee i trɔ yi Galilee kanmə. ⁴ ȴ də la to Samari

kanmə. ⁵ Ènə a, Yesu va dō Samari dugan deka kə wo yɔ nɔ bə Sicaa à mə, lə ma diŋdin mə də anyigban kə Jakɔbù na èvia Jozefù à. ⁶ Leena tutu i èdotɔ kə Jakɔbù ku ɖeɖeca a lə. Yesu va dō leena lə gawivə mə ənə, i ənu tikɔ nə ε, i ì kanren də èdotɔ a to. ⁷ Nyɔrun Samaritɔ deka va èci dù gbə. Yesu nu nə ε bə: «Na èci η, ma nu.» ⁸ Ganamə a, ye dəkprɔviwo yi ənuqùqù xrə gbə l'èdùgan a mə. ⁹ Vò a, nyɔrun Samaritɔ a nu nə ε bə: «Nə əwo kə nyi Jifù a, la va lə byɔ èci nunu ənyə kə nyi nyɔrun Samaritɔ a mɔ? Kpɔ Jifu wo kidə Samaritɔ wo ï nyinɔ o.» ¹⁰ Yesu dō ηti nə ε bə: «Ènyi ə məne dəsi Mawu y'enu nana, kidə amə kə byɔ əwo bə: "Na èci η, ma nu i a", əwo i la byɔ ε, i à na əwo èci kə na nə àgbè amə a.» ¹¹ Nyɔrun a nu nə Yesu bə: «Aməgan, ənu duci ï lə àsi əwo o, i ètɔ a ca yigu. Fi aa ji èci kə na nə àgbè amə a co? ¹² Wa wugan mía tɔgbì Jakɔbù, kə kù èdòtɔ əla ɖe nə mí, i ye ηta nu y'eci, èvia wo kidə y'eran wo cawo nu a i à?» ¹³ Yesu rɔn nə ε bə: «Amə ɖəsiaɖə kə a nù èci əla a, ècigɔmə la gbə ten ε; ¹⁴ vò a, amə kə la nù èci kə naa na ε a, ècigɔmə ï ka gbə ten ε gbəɖə o; dō èci kə maa na ε a, la trɔzun ètɔjɔxo kə mə èci kə na nə àgbè mavɔ amə a ca nɔ co a. ¹⁵ Nyɔrun a nu nə ε bə: «Aməgan, na η èci hunna, nə ècigɔmə ï ka gbə ten η, nə nyi ï ka gbə va nɔ èci dù gbə lə lela o.» ¹⁶ Yesu nu nə ε bə: «Ve yɔ àcu əwo, nə mi a trɔva lela.» ¹⁷ Nyɔrun a rɔn nə ε bə: «Nyi ï wɔ àcu ɖe o.» Yesu nu nə ε bə: «Àdòdo i ə nu bə: "Nyi ï wɔ àcu ɖe o"; ¹⁸ ə ɖə ηrucu amàtɔn kpɔ va yi vò, i ηrucu kə ə lè ədu ɖe kidə ifia a, η nyi àcuwo o. Àdòdo i ə nu.» ¹⁹ Nyɔrun a nu bə: «Àxotɔ, η kpɔ ifia bə Mawugbəɖoto i ə nyi. ²⁰ Mía tɔgbì wo sən Mawu lè èto əla ji, vò a, miawo Jifu wo mi nu nɔ bə ləfi wo dō la sən Mawu lə a, i nyi Jéruzalemù.» ²¹ Yesu nu nə ε bə: «Àxonɔ, xò tiin nyɔ sə; ègà a mə la va sun, i ï ka gbə nyi èto əla ji nɔmi Jéruzalemù i mia sən nɔ Dàdà a lə o. ²² Miawo Samaritɔ wo a, mi lə sən ənu kə mi ï dəsi a; vò a, míawo Jifu wo mí dəsi ənu kə mí lə sən a, dō Jifu wo gbo i xògan a co. ²³ Vò a, ègà a mə la va sun, ə ha va ca vɔ, i Mawusəntɔ àdòdotɔ wo a sən Dàdà a lə gbɔngbòn mə kidə lə àdòdo mə. Đo Mawusəntɔ hunna mɔkiwo i Dàda a lə ji. ²⁴ Mawu a, Gbɔngbòn i ì nyi, yeidɔ amə kə lə sən ε awo dō la sən ε lə Gbɔngbòn kidə lə àdòdo mə.» ²⁵ Nyɔrun a nu nə ε bə: «I nya bə Xògantɔ a dō la va. Amə kə wo yɔ bə Kriso a, nə ì va a, a ɖə ənu wo see gɔmə nə mí.» ²⁶ Yesu nu nə ε bə: «Ènyə kə nyi ənə a, i lə xonu kidə əwo kə.» ²⁷ Ènyɔ hunna wo i wo lə nu ɖəqə i, Yesu ye dəkprɔviwo va. Kə wo kpɔ bə Yesu lə xonu kidə nyɔrun a, ə kpaca wo taŋ, vò a, woo ɖəken ï tə η ka ε sə bə: «Nukee ì lə ji ?» nɔmi «Nukeejɔ i ì lə xonu kidə e o?» ²⁸ Nyɔrun a gbə ye zə ɖε, i yi èdù a mə i ve nu nə aməwo bə: ²⁹ «Mi va kpɔ, ηrucu deka i nu ənu kə η wɔ kpɔ awo see η! I na nyi Kriso a i ɖəfia a?» ³⁰ Ènə a, amə wo do co èdùgan a mə, i yi Yesu gbo. ³¹ Ganamə a, Yesu ye dəkprɔviwo

tɔ e kikri bə: «Enukpramətɔ, va dù ənu.»³² Vò a, É nu nə wo bə: «Enufùdù kə mi ñ dəsi a, i ñ dū.»³³ Enə a, adəkprɔvi awo lə nu lə wodəkiwo domə bə: «Nɔmi amə də hən ənuqùdù va nə ε i à?»³⁴ Yesu nu nə wo bə: «Tiin nu dùdù i nyi bə, ma wɔ amə kə dà ñ qidə a ye jromənu, i la wɔ ədɔ kə i dà ñ a, sə yi vònè mə.»³⁵ Mianja wo mi ñ nu nə bə: "Lə wreti amənə ñgbə a, ənuku wo jiji gamə la də à"? vò a, nya ñ lə nu nə mi bə: Mi kɔ əta yì əji nə mia kpɔ əbò wo ji qidə, ənuku awo cin nə jiji vò !³⁶ Enukujitɔ a, xɔ ye fəntu vɔ, é bɔ ənuku awo də nə àgbə mavɔ, nə ənukudotɔ a, kidə ənukujitɔ və na bɔ i kpɔ jìjɔ.³⁷ Enə a, ənyɔ kə amə wo nu nə a nyi àdòdo, yei nyi bə: "Amədəka do nə ənu, i amə bulɔmə na ji ənu a".³⁸ I dà mi qidə ənuku ji gbə lə əbò kə mə mi ñ wɔ ədɔ lə a, amə bulɔmə wo i wɔ ədɔ l'əbo a mə, i mi va lə dū ye lə.»³⁹ Samaritɔ kə lə ədùgan hunna mə awo sùgbɔ xɔ Yesu sə, cagbə əkunu kə nyɔrun hunna də a tɔ. Yei nyi bə: «É nu ənu kə ñ wɔ a see ñ.»⁴⁰ Enu hunna i dɔ, kə Samaritɔ wo yi Yesu gbo a, wo də akpə nə ε bə na nɔ Ye wo gbo. Yesu nɔ wo gbo nə ŋkəkə amèvè.⁴¹ Amə sùgbɔ gbə xɔ Yesu sə, cagbə ənyɔ kə yeñta nu nəwo a tɔ.⁴² I wó nu nə nyɔrun a bə: «Í nyi ənyɔ kə ə nu nə mia tadø i mi xɔsə o, vò a, ə xonu i mianjta wo mi sə, i mi nya bə yei nyi xixə a xògantɔ nyawo.»

Yesu vɔ ədɔ nə əfycɔdɔ wɔtɔgañgan qekə ye vi

Mati 8:5-13; Luka 7:1-10

⁴³ Lə ŋkəkə amèvè ñgbə a, Yesu co lə leena i yì Galilee. ⁴⁴ Do yeñta də əkunu qedeca bə, wo ñ na nə bùbù Mawugbədoto də lə yeñta du mə o. ⁴⁵ Galileetɔ wo sùgbɔ yì dìdivayixo a ñugbə lə Jéruzalemù, i wo kpɔ ənu kə Yesu wɔ lə əxo a gamə awo see; yeidɔ kə i yi Galilee kanmə a, wó xɔ ye məjro nyèñgbin.⁴⁶ Yesu trɔ va Kana lə Galilee kanmə, lə ləfi i cɔ èci trɔ vñen lə a. Efycɔdawɔtɔ qekə le, i nɔnɔ Kapenawumù, i əvia l'ədɔ də.⁴⁷ Kə i sə bə Yesu co Judee vayikɔ Galilee kanmə a, é yi i ve kpɔ ε, i də àkpə nə ε bə na yì Kapenawumù i la vɔ ədɔ nə ye vi ŋucuvi, kə lə xokubaða a.⁴⁸ Yesu nu nə ε bə: «Nə mi ñ məne kpɔ amrimanu wo kidə ənu jiwun wo o, mi ñ ka xɔsə Gbədə a!»⁴⁹ Efycɔdawɔtɔ a nu nə ε bə: «Àxotɔ, ñ də akpə n'əwo, nə ñ yi kaba o, əvinyə la ku.»⁵⁰ Yesu nu nə ε bə: «Trɔ yi àxomə, əviwo la nɔ àgbə.» ŋucu a xɔ ənyɔ kə Yesu nu nə ε a sə, i jɔŋkɔ àxomə.⁵¹ Àxomə mɔ a ji i ñ lə, i ye məsəntɔ wo va dogo e, i nu nə ε bə: «Èviwo l'agbə də!»

⁵² Efycɔdawɔtɔ a ka wo sə bə: «Ègà kee mə i ñ tɔ qeekia məkpɔkpɔ?» I wo rɔn nə ε bə: «Ècɔ kə vayi a, lə wetrɔ gaðeka mə ənə i vùnvà à vɔ nə ε.»⁵³ Dàda a ñowun bə ègà hunna mə tututu i Yesu nu nə ε bə: «Èviwo la nɔ àgbə.» Enə a, ye kidə ye xomətɔwo see xɔ Yesu sə.⁵⁴ Enu jiwun zèvè a tɔ kə Yesu wɔ kə i trɔva Judee lə Galilee kanmə a nè.

5

Yesu vɔ èdè nə ñucu kprɔbɔ nɔ qeka

¹ Lə hunna ñgbə a, Jifu wo kà ñu wo sənsən xo qeka, i Yesu yì Jərizalemù. ² Lə èdùgan hunna mə, lə arengbɔ wo gbo kpadeka a, wo ku ècilətɔ qeka də leena, i wo yɔ nə ε də Ebregbə mə bə Betizata. Wo gba àgbèxɔ amatɔn xixra də ètɔ a, ³ i dònnò sùgbɔ na mre qe də àgbèxɔ hunnawo gòmə: ïkuvitɔnɔ wo; Êsəkunɔ wo; kidə kprɔbɔnɔ wo. [⁴* Ðo Mawusñədotɔ qeka ñinɔva gàdəwo mə, i na bru èci a. Nə èci a hwan trodo a, dònnò kə jə ètɔ a mə jəŋkɔ a, nə i na bə l'èdè qəsiadə qe a, ε vɔ nɔ.] ⁵ Ñucu qeka l'èdɔ qe co èxo ègban cinyi (38) ⁶ Yesu kpɔ ε i ì mre qe, kə i nya bə é lə ètɔ a to qe ε diŋdin a, ε ka ε sə bə: «E ji bə tɔcɔ na vɔ à ?» ⁷ Dɔnɔ a rɔn nə ε bə: «Àhotɔ, nyi ï wɔ aməqə qe i à cɔ ï də ècilətɔ a mə, gákəmə èci a tɔ nə hwan hwan a o. Gákəmə ma lə jə àgbàgba bə ma ve qo mə a, aməbu na ñomə jəŋkɔ ï.» ⁸ Yesu nu nə ε bə: «Co, nə na cɔ tɔoba, i zɔn.» ⁹ I zàqeka a, ñucu a y'edɔ vɔ, i ì cɔ ye ba i tɔ zònɔzòn. Gbona qe nyi Jifu wo gbòngbònzangbə.

¹⁰ Cagbə hunnatɔ a, Jifuməganxo wo nu nə ñucu kə èdè vɔ nɔ a bə: «Egba a, gbòngbònzan i, èsə ï n'agbè bə na cɔ tɔoba o.» ¹¹ Vɔ a, é qo ñti nə wo bə: «Amə kə vɔdɔ ï a i nu ï bə: "Cɔ tɔoba, i zɔn."» ¹² Wó ka ε sə bə: «Mεε i nyi amə kə nu nəwo bə: "Cɔ tɔoba, i zɔn a?"» ¹³ Vɔ a, amə kə èdè vɔ nɔ a, ï dəsi amə kə vɔ èdè nə ε a o, qo Yesu bu də e lə amə sùgbɔ kə bɔ də leena qe awo domə. ¹⁴ Lə kina ñgbə a, Yesu kpɔ ε lə Mawusənxo a, i nu nə ε bə: «Ifia kə èdè vɔ nə əwo a, ka gbə wɔ ənunɔen qe o, nə ï nyi ənə o, ənu kə la xa əwo a la gbə nyra wu.» ¹⁵ Ñucu a yì i ve nu nə Jifugan wo bə Yesu i vɔdɔ nə əye.

¹⁶ Cagbə ənu hunnatɔ a, Jifugan wo tɔ Yesu ə fɔ jiji, qo é vɔdɔ nə amə lə gbòngbònzangbə. ¹⁷ Vɔ a, Yesu nu nə wo bə: «Tiin Dada lə wɔ ədɔ kəkə va ifia, i ñca ï lə wɔ èdɔ.» ¹⁸ Cagbə hunna tɔ a, Jifugan wo gbə lə ji a wu Yesu; qo ï nyi gbòngbònzan qədə i ì lə ñu əkɔ nɔ o, vɔ a, é gbə lə nu bə Mawu nyi ye Dada, i lə cɔ ñeekia sɔ kidə Mawu.

Àce kpakpa kə Yesu wɔ qe a

¹⁹ Yesu xɔ ənyɔ, i nu nə wo bə: "Ma nu àdòdo nə mi; Êvi a ï ka tə ï wɔ ənu qe lə ñeekia simə o; vɔ a, ənu kə i kpɔ i Dàdà a lə wɔ a i ì wɔnɔ; qo ənu kə Dàdà a wɔ nɔ a, ye mɔki i Êvia ca wɔ nɔ. ²⁰ Ðo Dàdà a rɔn Êvia, i dinəsa ənu kə ye ñta wɔ nɔ awo see nə ε; A gbə

*5:4 Wema xoxo sùgbɔ lə gréki gbəmə, i wo ï wɔ hənhrən mə ila qe o

disa ənu kə gaŋgan wu əla awo nə ε, i à kpaca mi. ²¹ Do sigbə Dàdà a nyɔ nə aməkuku wo, i na nawo àgbè a; nə nə kə i Əvia ca na nə àgbè amə kə jro e awo. ²² Dàdà a ï də nə kojo nə amə qə o, É cə kojododo wo see də àsi nə Əvi a, ²³ nə amə qəsiadə na bù Əvi a, sigbə wó na nə bùbù Dàdà a ənə. Nə aməqə ï bù Əvi a o, η bù Dàdà kə də ε qidə a o. ²⁴ Ma nu àdòdo nə mi: Amə kə sə tiinyɔ, i xɔ amə kə də η qidə a sə a, kpɔ àgbè mavɔ. Wo ï ka gbə də kojo nə ε o, də é to əku mə, i va àgbè. ²⁵ Ma nu àdòdo nə mi: Ègà a mə la va sun, ə ha va ca vɔ, i aməkuku wo a sə Mawuvi a ye gbə, i amə kə la sə y'egbə awo la nɔ àgbè. ²⁶ Do sigbə Dàdà a wɔ ace qə i na nə àgbè amə a, nə nə kə ì na ace Əvia, i ye ca la na àgbè amə. ²⁷ È na ε àce bə na də kojo kidə àgbètɔ wo də ye i nyi Àgbètɔ Əvi a. ²⁸ Ènu əlawo ï ka kpaca mi o, ègà a mə la va sun, i aməkuku kə lə əyədomə awo see la sə Àgbètɔ Əvi a y'egbə. ²⁹ Amə kə wò ənyɔ ε awo, Mawu la nyɔ wo co əku, i la na wo àgbè mavɔ. Vɔ a, amə kə wò ənɔen awo la nyɔ co əku i Mawu la qokojo nə wo. ³⁰ Nyi ï ka tə η wɔ ənu qekən lə tiice mə o. Ènu kə Dàda a nu ï a i η sə də nə kojo jɔjɔ. Do nyi ï jinɔ a wɔ yinjta ənujro o, vɔ a, ma wɔ amə kə də η qidə a jromənu.

³¹ « Nə η qə əkunnu nə qeekinyə a, wo ï ka xɔ ε sə bə ə nyi àdòdo o; ³² Vɔ a, amə bulɔmə i lə qə əkunnu η, i η nya bə əkunnu kə ì lə qə η a nyi àdòdo. ³³ Mi də amə wo qidə Jaan, i ì qəkunnu nə àdòdo a. ³⁴ Ènyə a, nyi ï hian bə àgbètɔ na qə əkunnu η o, vɔ a, η nu ənə cagbə nə Mawu na xɔ mi gan. ³⁵ Jaan wɔ qə sigbə kaŋde kə wo tɔ i ì lə xɔ ənə, i mi rɔn i kpɔ jìjì lə ye kəkrə nu nə gàmə hɔdeka. ³⁶ Vɔ a, η wɔ əkunu qədə qə, i ì wugan Jaan tɔ. Èdə kə tiin Dada cə də asinyə i η lə wɔ i lə qekunnu η bə Ye i də η qidə nyawo. ³⁷ Dàdà kə də η qidə a ηta qə əkunnu η. Vɔ a, mi ï sə y'egbè kpɔ o, i mi ï kpɔ ε kpɔ o. ³⁸ Ye nyɔ ï lə miämə o, də mi ï xɔ amə kə ì də qidə a sə o. ³⁹ Mi a lə kpra ənu ηɔŋrɔwo, də mi bu nɔ bə yei la na yewo àgbè mavɔ. Vɔ a, ənu ηɔŋrɔ hunna wo a, ənyə i wo qə əkunnu nɔ. ⁴⁰ Gaŋkə mi ï ləji a va əgbɔnyə i la kpɔ àgbè mavɔ o. ⁴¹ Nyi ï ji bə àgbètɔ wo na kafu η o. ⁴² Do η dəsi mi; i nya bə mi ï də rɔnrɔn nə Mawu o. ⁴³ Tiin Dada ηkɔ mə i η va lə, i mi ï xɔ η o. Vɔ a, nə aməbu va lə qeekia ηkɔ mə a, mi a xɔ ε. ⁴⁴ Miawo kə na lə ji kàfù kafu kə co nɔ miaqekiwo gbɔ, i mi ï jinɔ kàfùkafu kə co Mawu gbɔ a o. Nə mia tə η xɔ sə mɔ? ⁴⁵ Mi ï ka bu bə ənyə i la dohwe mi lə tiin Dàda ηkɔ o; Moyizì kəji mia ηkuviqodo lə a, i ka dohwe mi. ⁴⁶ Nə mi me ne xɔ Moyizì sə nyawo i a, mia xɔ ηca sə, də ənu kə Moyizì ηrɔ awo, əwunyə i wo xonu do. ⁴⁷ Nə mi ï xɔ ənu kə ì ηrɔ a sə o, nə mia tə ï xɔ ənyɔ kə η lə nu a sə mɔ?»

Yesu na ənuqùdù àgbètɔ sùgbɔ

(Matie 14:13-21; Makə 6:30-44; Luka 9:10-17)

¹ Lə ənu hunna ŋgbə a, Yesu zən Galileets kə wo gbə yəcə bə Tiberiadə a jə àgə qeyaji.
² Amə sùgbɔ lə àhwà kprɔ e do, qo wo kpɔ ənujiwun kə i lə wɔ, i lə vɔ əpdə nə amə wo a.
³ Yesu ra òto ɖeka ji i kanren də leena kidə ye dəkprɔviwo. ⁴ Jifu wo xo kə wo yɔ nə bə dìdivayi a, i təbɔ. ⁵ Yesu kɔ əta, i kpɔ àgbètɔ sùgbɔ lə ahwa gbɔnɔ gbo, i i nu nə Filipù bə: «Fi mí a kpɔ ənu qùdù xrə lə, i amə əla wo, wo a qù?» ⁶ É nu ənə i sə lə do e kpɔ, qo é nya ənu kə i ka wɔ a. ⁷ Filipù rɔn nə ε bə : « Nə mí cɔ əhgoga katɔn (200) i sə xrə ənuqùdù ca a, ŋ ka sun nə amə ɖeka ɖeka na kpɔ hɔɖeka qù o.» ⁸ Andre, Simɔɔ Piyeε ye novi, ke nyi ɖeka lə Yesu ye dəkprɔvi wo mə a nu nə ε bə: ⁹ « ɿucuvi ɖeka lela, i wɔ kpɔnɔ amatɔn kidə èxwə aməvə ɖe; vɔ a, nukee hunna la tə ñ wɔ nə amə kpanj kpanj əlawo ?» ¹⁰ Yesu nu bə: «Mi nu nə amə awo see na kanren.» Ègbə wriwri sùgbɔ leena, i wo kanren də ji. ɿucu aməganxo kə lə wo mə awo sun bratɔn amatɔn (5.000) ənə.
¹¹ Ènə a, Yesu xɔ kpɔnɔ awo, i do akpə nə Mawu, i wo ma ε nə amə kə kanren ɖe awo. Nənə kə i gbə ma əxwə awo nə wo nə; i aməsyamə xɔ sigbə i jro e a. ¹² Kə wo qù ənu i ɖɔxɔ a, Yesu nu nə ye dəkprɔviwo bə: « Mi can kə kpɔtɔ a bɔ, nə ədə ñ ka dɔn o.» ¹³ Ye dəkprɔviwo can kə wo qù kpɔtɔ lə kpɔnɔ amatɔn a mə awo see, i i ɖɔ kisi aməwivè. ¹⁴ Kə amə wo kpɔ ənujiwun hunna kə Yesu wɔ a, wo nu bə: «Mawugbədɔtɔ kə ɖo la va xixə mə a i i nyi nyawo.» ¹⁵ Vɔ a, kə Yesu nya bə wo a va l'əye d'əgan ŋ, i la cɔ ye əfyɔ a, é gbə co, i yì òto ji yedeken.

Yesu zən to òtɔ ji

Matie 14:22-33; Makə 6:45-52

¹⁶ Kə fienyigbɔ sun a, Yesu ye dəkprɔvi wo qj va Galilee tɔ a to. ¹⁷ Wo ɖo ətɔjihun ɖeka mə, i co òtɔ a yì Kapenawumù lə àgə qeyaji; əzan ɖe do i Yesu ñ ɖo wo gbo haɖo o.
¹⁸ Aya gaŋgan ɖeka lə xo, i ətɔ a lə àdan ji ɖe. ¹⁹ Kə Yesu ye dəkprɔvi wo kù ətɔjihun a yi sigbə əmɔjrəkpo amatɔn nɔmi amadən ənə a, wo kpɔ Yesu i i zɔn to òtɔ a ji gbɔnɔ wo gbo. Vònnɔn jə wo ji. ²⁰ Vɔ a, Yesu nu nə wo bə: «Enyə i vònnɔn ñ ka ji mi o!»
²¹ Adəkprɔvi awo ləji a cɔ ε də ətɔjihun a mə, ɖəɖəvɔ a, əhun a ve gri də òtɔ a to ləfi wó yìkɔ a.
²² Kə əwunkə a, amə kə ci àgə qeya ji n'ətɔ a, wo kpɔ bə ətɔjihun ɖeka ɖəɖə i lə òtɔ a to. I wó nya bə Yesu ñ ɖo ətɔjihun a mə kidə ye dəkprɔviwo o. Adəkprɔvi awo ɖəɖə i ɖo

etçjihun a mə. ²³Vò a, Etçjihun buwo co Tiberiadə, i gri təbə ləfi Àxotə xodə də kpconc ji lə, i wo qù a. ²⁴Kə amə wo í kpə Yesu o, i wó í kpə ye dəkprəvi wo ca a; wó qo etçjihun hunna wo mə, i yì Yesu ji gbə lə Kapenawumù.

Yesu i nyi ənuqədu kə na nə àgbə amə a

²⁵Kə amə awo ve kpə Yesu l'etç a ñgbə a, wo lə ka ε sə bə: «Ènukpramətç, gàkeemə i ə vayi lela ?» ²⁶Yesu rɔn nə wo bə: «Ma nu àdòdo nə mi, ï nyi ənu kə ï jrə i mi kpə awo i də i mi lə ji o, vò a, kpconc kə mi qù ñçxo a i də. ²⁷Mi í ka wɔ nə èdə i sə ji nə ənuqùdù kə da n'èhən a o, vò a, mi jinç ənuqùdù kə nə nə anyi, i na nə àgbə mavə a, ənuqùdù kə Àgbətç əvi a la na mi a, Mawu Dàda a cɔ y'ece də àsi nə ε.» ²⁸Wó nu nə ε xotcn bə: «Nukee jə bə mí a wɔ, i la dìsa bə mi lə wɔ Mawu dɔ ?» ²⁹Yesu rɔn nə wo bə: «Èdç kə Mawu ji bə mi a wɔ a, i nyi mi a xɔ amə kə i də ñiqə a sə.» ³⁰Wó xègbə nə ε bə: «Ènujiwun kə e aa wɔ i mi a kpə, i la xɔ əwo sə ? Èdç kə e aa wɔ? ³¹Mia tɔgbinwo qù manà lə zògbəji, sigbə wo ñrɔ ε qđe bə: «Í na wo ənuqùdù kə co jiñkori a.» ³²Vò a, Yesu nu nə wo bə: « Ma nu àdòdo nə mi, í nyi Moyìzì i na mi ənuqùdù kə co jiñkori a o. Vò a, tiin Dada i lə na mi ənuqùdù àdòdo kə co jiñkori a. ³³Đo ənuqùdù kə Mawu na a i nyi amə kə co jiñkori i va na àgbə xixə a a.» ³⁴Wó nu nə ε bə: «Àxotç, na nə ənuqùdù hunna mi tegbəee!» ³⁵Yesu nu nə wo bə: «Ènyə i nyi ənuqùdù kə na nə àgbə amə a, amə kə la va əgbənyə a, fifə í ka gbə lə e gbədə o, i amə kə la xɔ ï sə a èci gəmə í ka tən ε gbədə o. ³⁶Vò a, ï nu i nə mi vò: mi kpə ï vò, gañkə mi ï xcsə o. ³⁷Amə kə Dàda a na ï awo see la va əgbənyə, i amə kə la va əgbənyə a, nyi ï ka nya ε o. ³⁸Đo nyi ï co jiñkori va, i la wɔ nyiñta jromənu o. Vò a, ï va i la wɔ amə kə də ï ñiqə a ye jromənu. ³⁹Amə kə də ï ñiqə a jromənu i nyi, amə kə i cɔ də àsi ï awo qđekən í ka bu o, vò a, ma nyɔ wo see co l'èku lə ñkəkə ñgbəsítç gbə. ⁴⁰Ènu kə tiin Dada jro a i nyi amə kə kpə Èvi a, i xcsə a na kpə àgbə mavə, i ənya ma nyɔε co l'èku lə ñkəkə ñgbəsítç gbə.» ⁴¹Co ègà hunna mə a, Jifu wo tɔ nuxo xoxo də Yesu ï, cagbə kə i nu bə: «Ènyə i nyi ənuqùdù kə co jiñkori va a.» ⁴²Wó gbə nu dəji bə: «Í nyi Yesu, Jozefù əvi a nə a ? Mí ï dəsi ye dada kidə ye nana à ? Nə à tə ï va nu nə mi ifia bə ye co jiñkori mɔ ?» ⁴³Yesu xɔ nuxo i nu nə wo bə: «Mi gbə nuxo xoxo lə mia qđekivo domə qđe ! ⁴⁴Amə qđekən í ka tə ï va əgbənyə, nə Dàdà kə də ï ñiqə a ï də ε va o, i ənya ma nyɔε co l'èku lə ñkəkə ñgbəsítç gbə. ⁴⁵Wo ñrɔ də Mawugbədoto wo wema mə bə: "Wo see i Mawu ñta la kpra ənu. " Ènə a, amə qđesiadə kə la qđo éto Dàdà a, i la xɔ y'ènukpramənyɔ wo a, la va əgbənyə. ⁴⁶Í nyi bə amə qđe kpə Dàda a kpə i ï lə nu o, amə kə co Mawu gbɔ a qđekən i kpə ε. ⁴⁷Èen, ma nu

àdòdo nə mi: Amə kə xɔ sə a, kpɔ agbə mavc. ⁴⁸ Ènyə i nyi ənuqùdqù kə na nə àgbə àdòdo a. ⁴⁹ Mia tɔgbivo qù manà lə zògbəji, gaŋkə wo ku. ⁵⁰ Vò a, ənuqùdqù əla kə co jiŋkori a, amə kə la qù i a, ý ka ku o. ⁵¹ Ènyə i nyi ənuqùdqù àgbə àgbə kə co jiŋkori va a, amə kə la qù ənuqùdqù əla a, la nɔ àgbə kə sə yi. Ənuqùdqù kə naa na mi a, i nyi tiin ɳtiran, kə naa sə na nə xixə a na kpɔ àgbə a.» ⁵² Jifu wo tɔ ənyɔ dɔndɔn sənwun sənwun lə wo ɖekiwo domə bə: «Nə ɳucu hunna la tə ï na mi yə ɳtiran i mi a qù mɔ?» ⁵³ Yesu nu nə wo bə: «Ma nu àdòdo nə mi, nə mi ý qù Àgbətɔvi a ye ɳtiran o, i mi ý nu ye hun o, mi ý ka kpɔ àgbə o.» ⁵⁴ Amə kə qù tiin ɳtiran, i nù tiin hun a kpɔ àgbə mavc, i ənya ma nyɔe co l'èku lə ɳkəkə ɳgbəsito gbə. ⁵⁵ Ðo tiin ɳtiran a, ənuqùdqù àdòdo i, i tiin hun nyi ənuununu àdòdo. ⁵⁶ Amə kə qù tiin ɳtiran, i nù tiin hun a, amə hunna lə àgbə l'ènyə mə, i nya ï lə àgbə lə ya mə. ⁵⁷ Sigbə Dàdà kə dɔ ï qidə a lə àgbə, i nya ï lə àgbə to Dàda a ji a, nənə kə i amə kə la qù tiin ɳtiran a la nɔ àgbə to əjinyə a nə. ⁵⁸ Ənuqùdqù kə co jiŋkori a kə; ý wɔ ɖe sigbə kə mi a tɔgbin wo qù, gaŋkə wo ku a ənə o. Vò a, amə kə la qù ənuqùdqù əla a, la nɔ àgbə kəkə sə yi.» ⁵⁹ Yesu nu ənyɔ əlawo gakəmə i lə kpra ənu amə wo lə Jifuwo bɔbɔxo lə Kapenawumù a.

Àgbə mavc nyɔ wo

⁶⁰ Kə Yesu ye dəkprɔvi sùgbɔ sùgbɔ kə kprɔ ε do awo sə ənyɔ kə ì nu awo a, wo tɔ nùnu lə wɔdekiwo mə bə: «Ènyɔ əlawo vadì səsə, mεe i la tə ï xɔ ε sə?» ⁶¹ Kə Yesu nya bə ye dəkprɔvi wo lə xonu də ənyɔ kə ye nu a ï a, é ka wo sə bə: «Ènyɔ hunna nyi afɔkrənu nə mi i à? ⁶² I nə mi va kpɔ Àgbətɔ Èvi a i i yikɔ jiŋkori ləfi ì lə ɖədeca a ɖe, nə mi a wɔ mɔ? ⁶³ Gbɔngbɔn kɔkɔ i na nə àgbə amə. Àgbətɔ ɳtiran ý sun ənu ɖə ji o. Ènyɔ kə ï nu nə mi awo nyi gbɔngbɔn kɔkɔ ye nyɔ kə na nə àgbə amə a. ⁶⁴ Vò a, amə ɖə wo lə mia domə i wo ý xcsə o.» Co gòməjəjə a Yesu dəsi amə kə ý xɔ ε sə awo, kidə amə kə ka sa ε qù a. ⁶⁵ Yesu gbə nu dəjì bə: «Ènu hunna i dɔ, i ï nu nə mi bə "Nə Dàda a ɳta ï ɖə əmɔ nə amə ɖə o, amə a ï ka tə ý va əgbɔnyə o."»

⁶⁶ Co ganamə a, Yesu ə dəkprɔvi sùgbɔ trɔ lə ye yomə, i wo ý gbə zɔn kidə e o. ⁶⁷ Ènə a, Yesu ka wo aməwivə awo sə bə: «Miawo ɖe, mi ý ləjì a yi a ?»

⁶⁸ Simɔɔ Pyee nu nə ε bə: «Àxotɔ, mə ε gbɔ i mia wo mi a yi ? Ègbəwo i àgbə mavc nyɔ wo lə. ⁶⁹ I mia wo mi xcsə, i mi nya bə əwo i nyi Amə kɔkɔ kə Mawu dɔ qidə a.» ⁷⁰ Yesu rɔn nə wo bə: «Ènyə ɳta i can mi, mi aməwivə awo, gaŋkə amə ɖeka lə mia mə i nyi Regba!» ⁷¹ Juda Simɔɔ Isikariɔtə əvia ye nyɔ i Yesu lə nu, ɖo yeca lə ye dəkprɔvi aməwivə awo mə, gaŋkə yei kà sa Yesu.

Yesu ye nɔviwo ñ xɔ ε sə o

¹ Lə hunna ñgbə a, Yesu lə to èdù kə lə Galilee kanmə awo mə, ñ qə lə ji a to Judee o, də jifugan wo ləji a wu i. ² Jifu wo xo kə wo ñu nə lə àzàvà gɔmə a təbə. ³ Nɔvi awo nu nə ε bə: «Yì Judee, nə tɔɔ dəkprɔvi ke lə leena cawo na kpɔ ədɔ kə ə lə wɔ awo. ⁴ Ðo amə kə lə ji bə wo a dəsi ye a, ñ bə nə o. Kə ə jrə nə ənu a, ə jə bə na qə ðeeki əwo disa nə amə wo.» ⁵ Ðo nɔvi awo ñta ca ñ xɔ ε sə o. ⁶ Yesu nu nə wo bə: «Tiinga ñ xo haðo o, vò a, miawo a, gaðəsiadə i nyɔ nə mi. ⁷ Àgbətɔ wo ñ ka tə gbə mi o, vò a, wo gbə ənya, də ñ qə nə əkunnu bə wo nu wɔwɔ wo nyra. ⁸ Miawo mi yì əxo a ñu gbə; ənyə a, nyi ñ yikɔ haðo o; də gamə ñ sun ñ haðo o.» ⁹ Kə Yesu nu ənə nəwo jrɔ a, é ci Galilee.

¹⁰ Kə Yesu ye nɔviwo yi əxo a ñugbə a, ye ca j'əmɔji, i yi lə bəbəmə, ñ ji bə amədə na kpɔ əye o. ¹¹ Lə əxo a ñu ñu gamə a, jifugan wo lə ji i, i lə kasə bə: «Fi ì lə tutu ?» ¹² Lə àhwà kə bɔ qə a mə a, amə wo lə nu ənyɔ sùgbə də ñ, amədewo nu nə bə: «Amənyɔc i ì nyi.» Aməbuwo na bə: «Aməbrədutɔ ñeka i ì nyi.» ¹³ Vò a, amə kə lə nu Yesu ənyɔ awo də ñ doji cɔ ògbə d'əji o, də wo lə wɔnɔn nə jifugan wo.

Yesu kpra ənu amə wo lə Mawusenxo

¹⁴ Kə wo lə ñu əxo a kəkə i ma ñkəkə nənə kə wo a ñu əxo a nɔ a d'əvə a, Yesu yi Mawusenxo, i tɔ ənukpakpra amə wo. ¹⁵ Sigbə ì lə kpra ənu amə wo mɔ a, kpaca jifugan wo kəkə wo lə nu bə: «Ijucu hunna ñ kpra wema kpɔ o, nə ì wɔmɔ i mɔnjé Mawunyɔwema a mə də ñ?» ¹⁶ Yesu də ñti nə wo bə: «Tiinnukpramə ñ co əgbɔnyə o, vò a, amə kə dɔ ñ ñiqə a gbɔ i ì co.» ¹⁷ Nə amə də ji bə ye a wɔ Mawu ye jromənu a; nə ñ nyi tiinukpramə a Mawugbɔ i ì co, nɔmi ənyə ñta ye nuxo i ñ lə xo a, a nya. ¹⁸ Amə kə lə ji yeñta kafù kafu a, xo nə nuxo co ñekia ñ; vò a, amə kə ləji amə kə dɔ ε ñiqə ye kafukafu a, nu nə àdòdo, i ye nyɔ də ñ nyinə vixo o. ¹⁹ Ij nyi Moyizì i na əsə wo mi a ? Vò a, miawo ñeken mi ñ zɔn nə də əsə a ji o; nukeejɔ i mi ləji ì ka wu ñ. ²⁰ Àhwà a də ñti nə ε bə: «Gbɔngbɔn vɔen i lə əjìwo, mə ε i ləji i ka wu əwo?» ²¹ Yesu gbə xɔ ənyɔ, i nu nə wo bə: «Eñu ñeka ñdə ñi ñ wɔ, i ì kpaca mi də ñ?» ²² Moyizì i nagbə mi bə mi a co èvo, kpɔ ñ nyi yegbɔ i ì co o, vò a, mía tɔgbin wo gbɔ i ì co; i mi co nə əvo lə gbɔngbɔnzangbə. ²³ Nə mi tə ñ co èvo nə amə lə gbɔngbɔnzangbə, i mi ñ da lə Moyizì əsə a jio; nukeejɔ i mi lə wɔ xoməfyen də ənya kə vɔ èdɔ nə àgbətɔ bribo lə gbɔngbɔnzangbə a? ²⁴ Mi ñ ka kpɔ nə ənu wo nɔnɔmə i sə də nə kojo o, vò a, mi də nə

kojo jcjc.»

Yesu i nyi Kriso Xɔgantɔ a a?

²⁵ Jərizalemùtɔ də wo lə nu bə: «I] nyi ɲucu kə wo ləji i la wu nə a? ²⁶ Ye i lə xonu lə gbaŋba nə, i amə də ñ lə nu ənyɔ də nə ε o; nɔmi míagan wo va mɔŋjəmə bə ye i nyi Kriso a a? ²⁷ Mi nya ləfi ɲucu əla co a, vɔ a, nə Kriso a ɲta va a, amədəken ñ ka dəsi ləfi ì a co va a o.» ²⁸ Ènə a, kə Yesu lə kpra ənu lə Mawusənxo a, ənu nə wo bə: «Mi dəsi ɳ, i dəsi fi ɳ co a, nyi ɳ va lə dekinyə si mə o, vɔ a, amə kə dɔ ɳqida a nyi àdòdonutɔ, mi ñ dəsi dəsi i o. ²⁹ Ènya ɳ dəsi i, dɔ yegbɔ i ɳ co, i ye i dɔ ɳ qida.» ³⁰ Ganamə a, wo ləji i la lə e, vɔ a, amədəken lɔ ɳ jə ɳ o, dɔ yega ɳ xo hađo o. ³¹ Amə sùgbɔ lə ahwa amə i xɔ ε sə, i na lə nu bə: «Nə Kriso Xɔgantɔ a ɲta va a, a gbə tə ɳ va jrə ənu wu amə əla i a?»

³² Farizitɔwo sə ənyɔ kə amə wo lə dɔkpɔ lə àhwa a mə, i lə nu də Yesu ɳ a. Mawuvɔsatɔgan wo kidə farizitɔ wo dɔ sɔja wo qida nə wo a lə Yesu ³³ Yesu nu nə wo bə: «Naa gbə nɔ anyi kidə mi nə gàmə hɔfeka; kina ɳgbə a naa yi amə kə dɔ ɳ qida a gbo. ³⁴ Mi a ji ɳ, i mi ñ ka kpɔ ɳ o; dɔ mi ñ ka tə ɳ va ləfi ɳ lə a o.» ³⁵ Mawuvɔsatɔgan wo tɔ nùnu lə wɔdèkiwo do mə bə: «Fi ì kaa yi i mi ɳ ka gbə tə ɳ kpɔ ε o ? A ve kpə nə Grèkətɔ kə gban kpədo awo i a ? a ve kpra ənu Grèki wo i a ? ³⁶ Ènyɔ kə e i nyi hunna i ì lə nu, i bə: "Mi a ji ɳ, i mi ñ ka kpɔ ɳ o"; " mi ñ ka tə ɳ va ləfi ɳ lə a o"? »

Ètɔjɔxɔ kə na nə àgbè amə a

³⁷ ɻkəkə ɳgbəsitɔ kə wo a ɖu əxo a jrɔ a, i nyi ɻkəkə kə lə vəvədə a. Gbona a, Yesu nɔtə lə àhwà a ɳkɔ, i cɔ ègbè də əji, i bə: « Nə ècigɔmə ten amədə a, na va əgbɔnyə i va nù əci. ³⁸ Wo ɳrɔ ε də Mawunyɔ wema mə bə: "Amə kə xɔ ɳ sə a, àgbè y'ètɔcaca wo la ca nɔ co amə hunna mə"». ³⁹ Yesu lə nu ənə də gbɔngbɔn kɔkɔ kə amə kə la xɔ ε sə awo la xɔ a ɳ. L'èga hunna mə a, gbɔngbɔn kɔkɔ ɳ le o, dɔ Mawu ɳ də Yesu kàfu kafu disa hađo o.

⁴⁰ Amə də wo lə àhwà a mə, i kə wo sə Yesu ənyɔ a, wo lə nu bə: « ɻucu əla i nyi Mawugbədotɔ a nyawo !» ⁴¹ Amə buwo lə nu bə: « Amə la i nyi Kriso Xɔgantɔ a !» Vɔ a, amə doo bə: « Kriso Xɔgantɔ a la tə co Galile a ? ⁴² Mawunyɔ a ɳ nu bə Davidi ye jijimə i à co a? Lə Betrexemù, èdù kə mə Davidi co a mə à?» ⁴³ Ènə a, amə wo ma ,cagbə Yesu tɔ. ⁴⁴ Amə də wo lə wo domə i ləji a lə e, vɔ a, woo deken əlc ɳ tə jə ɳ o.

Mawuvɔsatɔgan wo ñ xɔ Yesu sə o

⁴⁵ Gakəmə sɔja kə yi Yesu ləgbə awo trɔva a, Mawuvɔsatɔgan wo kidə Farizitɔ wo ka

wo sə bə: «Nukeejɔ mi ñ lə e va o ?»⁴⁶ Soja awo dō ɳti nə wo bə: «Mí ñ sə i amə də xonuxo sigbə ɳrucu hunna mɔki kpc o.»⁴⁷ Farizitɔ awo ka wo sə bə: «Mia cawo mi dac i mia ɖekiwo ɖe i ì fru mi a?»⁴⁸ Mi kpc miagan ɖe nɔmi Farizì tɔ ɖe xɔ ε sə a?⁴⁹ Àhwà hunna kə lə kprɔ ε do awo ñ dəsi Moyizì əsə o, Mawu do nu wo vɔ.»

⁵⁰ Vò a, Nikodemù, Farizitɔ wo domətɔ ɖeka ; kə ve kpc Yesu ɖedeca a. nu bə:⁵¹ «Miasə a təŋ dō əhwə nə amədə nə wo ñ dō əto e, i nya ənu kə i wɔ a a?»⁵² Wó dō ɳti nə ε bə: Galileetɔ i woca ə nyi a? Ve kpc Mawunyɔ wema mə nyèŋgbın, aa nya bə Mawugbəfotɔ ɖe ñ ka təŋ co Galilee o.» [⁵³ Ènə a, amə ɖeka ɖeka yi ye xomə.]

8

Nyɔrun əhasi wɔtɔ

¹ Yesu yì əto kə ji olivuti wo nɔnɔ a ji. ² Lə ye ɳkəgbə nyidin a, é trɔ yì Mawusənxo, i amə wo da àhwà va gbɔ; i ì tɔ ənukpakpra wo. ³ Èsəkpramətɔ wo kidə Farizitɔ wo kprɔ nyɔrun ɖeka va sə də àgùdò a mə; wo co nyɔrun a do i ì lə wɔ əhasi i. ⁴ Wó nu nə Yesu bə: «Ènukpramətɔ, wo co nyɔru əla do i ì lə wɔ əhasi. ⁵ Moyizì nu nə mi l'əsə a mə bə wo a xu əkpə nyɔrun hunna mɔki nə a ku. Nukee wa kpc də ñ?»⁶ Wó lə ka Yesu sə ənə i la sə dō feca nə ε, i la kpc əmɔ sə dohwe ε. Vò a, Yesu bubɔ, i tɔ ənu ɳçjɔrɔ də anyigban mə kidə y'elɔvi. ⁷ Kə wo kpc tɔ i gbə lə byɔ ənyɔs sə a; Yesu kɔ əta i nu nə wo bə: Amə kə lə mia mə , i ñ jə àgò kpc gbədə a, na dà əkpə xu nyɔrun a jèŋkɔ.»⁸ Kə ì nu ənə a, È gbə trɔ d'əta gu i gbə tɔ ənu ɳçjɔrɔ də anyigban mə. ⁹ Kə wo sə ənyɔ hunna a, wo tɔ yìyì ɖeka ɖeka, bε co aməganxo wo ji, i ì va kpc tɔ Yesu ɖekən kidə nyɔrun a; i nyɔrun a gbə nɔ əta ɖe də leena. ¹⁰ Yesu kɔ əta də əji, i ka ε sə bə: «Àxonɔ, fi amə awo lə? Amə ɖekən ñ gbə dohwe o a?»¹¹ Nyɔrun a rɔn bə: «Àxotɔ, amə ɖekən ñ dohwe ñ o.» Yesu nu nə ε bə: «Ènyə ca nyi dohwe d'əwo o; yì, vò a, ka gbə jə àgɔ o.»]

Yesu i nyi kèkrə nə xixə a

¹² Yesu gbə tɔ nuxo xoxo nə àhwà a bə: «Ènyə i nyi kèkrə nə xixə a. Nə amə ɖe kprɔ ñ do a, ñ ka zɔn zubru mə o, vò a, a kpc kèkrə kə na nə àgbə a.»¹³ Ènə a, Farizì tɔ wo bə: «È lə ɖ'ekunnu nə ɖeekiwo! Tɔɔ kunnu ɖədə ñ nyi àdòdo o.»¹⁴ Yesu dō ɳti nə wo bə: «È lə ɖ'ekunnu nə ɖekinyə nyawo, vò a, tiinkunnu ɖədə nyi àdòdo, dō ñ dəsi ləfi ñ co a, i dəsi ləfi ñ yìkɔ a, vò a, mia wo mi ñ dəsi ləfi ñ co, nɔmi ləfi ñ nyikɔ o.¹⁵ Mi dō nə kojo sigbə àgbətɔ wo ənə. Ènyə a, nyi ñ lə dō kojo nə amə ɖe o.¹⁶ Nə i nyi ñ dō kojo ca a,

tiin kojo dodo nyi nə àdòdo, do η nyi ənyə deken i do nə kojo a o, vò a, ənyə kidə Dàdà kə də η qidə a i. ¹⁷ Wo ɳrc də mia Sə wema mə bə, ənu kə amə amèvə qə əkunnu nə a, nyi àdòdo. ¹⁸ Ij lə qə əkunnu nə ɣeekinyə, i Dàda kə də η qidə a ca lə qəkunnu η.» ¹⁹ Wó ka ε sə bə: «Fi tɔ̄ Dada a lə?» Yesu do ηti nə wo bə: «Mi ί dəsi η o, mi ί dəsi tiin Dada ca o, do nə mi meenə dəsi η i a, mi a dəsi tiin Dada ca.» ²⁰ Yesu nu ənyü hunna wo gákəmə i lə kpra ənu amə wo lə Mawusənxo a, lə toho kə wo yɔ̄c bə Ènujəx a. Amə qe η lə e o, do y'ega η xo o.

Mi ί ka tə η yì ləfi η yikə a o

²¹ Yesu gbə nu dəji nə wo bə: « Ij yikə, mi a ji η, vò a, mi a ku do mi kpɔ̄tə i lə jə àgò. Mi ί ka tə η yi ləfi η yikə a o.» ²² Ènə a, jifu wo lə nu bə: «È ka wu ɣekia i a? Do é lə nu bə " Mi ί ka tə η yi ləfi η yikə a o."» ²³ Yesu xɔgbə nə wo bə: «Mia wo a, anyigban lelajitə i mi nyi, vò a, ənyə a, jiŋkorito i η nyi; xixə əla mə tə i mi nyi, kpɔ̄ nya ί nyi xixə əla mə tə o. ²⁴ Yeidɔ, η nu nə mi bə mi a ku də mia gɔjəjə wo mə. Nə mi ί xɔsə bə η nyi amə kə η nyi a o; mi a ku də mia gɔjəjə wo mə.» ²⁵ Wó ka ε sə bə: «Mee i ə nyi?» Yesu do ηti nə wo bə: «Amə kə η nu nə mi co gòməjəjə bə η nyi a, i η nyi. ²⁶ Ij wɔ̄ ənyü sùgbə qe i la nu də mia η, i la do kojo də ənu sùgbə η nə mi; vò a, amə kə də η qidə a, àdòdo nutə i, i ənu kə η sə l'egbə a, i η lə nu nə xixə a.» ²⁷ Wó ί qe mənjəmə bə Dàda a ye nyɔ i lə nu nə yewo o. ²⁸ I Yesu nu nə wo bə: Gákəmə mi a cɔ̄ Àgbətə əvi a də àticoga ji a, mi a nya bə η nyi amə kə η nyi a, i nyi ί wɔ̄ nə ənu qe də tiin ce mə o: ənu kə Dàdà a kpra η a i η lə nu. ²⁹ Amə kə də η qidə a, lə kidə η, ί daci η qe o, do η lə wɔ̄ ye jromənu gàsiagamə.» ³⁰ Kə Yesu lə xo nuxo ənə a, amə sùgbə xɔ ε sə.

Abraxamù ye jijiməvi àdòdo awo

³¹ Yesu va nu nə Jifu kə xɔ ε sə awo bə: Nə mi zɔ̄n də tiinyü wo ji a, mi a nyi tiin dəkprɔ̄vi wo nyawo, ³² mi a dəsi àdòdo a, i àdòdo a la qe mi co lə hwasi gbənu.» ³³ Wó nu nə ε bə: «Abraxamù ye jijiməvi i mi nyi, i mi ί nyi hwasi nə amədə kpɔ̄ o, nukeejə ə va lə nu bə wo a qe mi jii lə hwasi gbənu?» ³⁴ Yesu do ηti nə wo bə: «Ma nu àdòdo nə mi: amə qəsiadə kə jə nə àgò a, nyi hwasi nə àgòjəjə. ³⁵ Hwasi ί nɔ̄ nə àxomə kékə sə yi o, àxovi i nɔ̄ nə axomə kékə sə yi. ³⁶ Yeidɔ, nə Əvi a i qe mi co lə hwasi nyinyi mə a, mi co lə hwasi gbənu nyawo. ³⁷ Ij nya bə Abraxamù ye jijiməviwo i mi nyi, vò a, mi ləji i ka wu η, do mi ί xɔ tiinyü wo sə o. ³⁸ Ènu kə η kpɔ̄ lə tiin Dada gbə a, i η lə to nə mi, i miacawo mi lə wɔ̄ ənu kə mi sə lə mia dada gbə a.» ³⁹ Wó nu nə ε bə: «Abraxamù i nyi

mia dada.» Yesu nu nə wo bə: « Nə mi nyi Abraxamù əvi wo nyawo a, mi wɔnə ənu sigbə Abraxamù ənə. ⁴⁰ Ènyə a, àdòdo nyɔ kə ŋ sə co tiin Dada gbo a i ŋ nu nə mi; vò a, mi lèji i ka wu ŋ, Abraxamù ŋ wɔ ənu hunna mɔki ɖə o. ⁴¹ Vò a, miawo mi lè wɔ ənu kə mia dada wo wɔ a.» Wó nu nə Yesu bə: «Mi ʃ nyi èhasiviwo o, Mawu ɖekən i nyi mia Dada.» ⁴² Yesu gbə xɔ ənyɔ, i bə: «Nə Mawu nyi mia Dada a, mi a rɔn ŋ, ɖo Mawu gbo i ŋ co va. Nyi ʃ va də nyiŋta jromə o, vò a, ye i dɔ ŋ ɖiɖa. ⁴³ Nukeejə i mi ʃ mɔnɔjə ənyɔ kə ŋ lè nu nə mi awo mə o? Tiinyɔ wo və nə səsə nə mi taɖo i. ⁴⁴ Regba i nyi mi a dada, i ənu kə jro e a i mi jiŋc a wɔ. Aməwutɔ i ʃ nyi co gɔməjəjə, ŋ rɔn nə àdòdo nyɔ gbo o, ɖo ŋ nu àdòdo kpɔ o, yenja see i nyi vixotɔ, i nyi vixotɔ wo dada. ⁴⁵ Vò a, ənyə a, àdòdo kə ŋ nu nɔ a i dɔ mi ʃ xɔ tiinyɔ sə o. ⁴⁶ Miadɔmətɔ kə e la tə ŋ ɖə disa ŋ bə ŋ jə àgò kpɔ? Nə ŋ lè nu àdòdo a, nukeejə mi ʃ xɔ tiinyɔ sə o? ⁴⁷ Amə kə nyi Mawutɔ a ɖo nə əto Mawu ye nyɔ wo i. Kə mi ʃ nyi Mawutɔ a, i dɔ mi ŋ lè ɖo əto ŋ o.

⁴⁸ Jifu wo nu nə Yesu bə: «Kə mi nu bə é nyi Samaritɔ, i gbɔngbòn vɔen l'əwo mə a, ŋ kpɔ bə mia nyɔ nyi àdòdo a?» ⁴⁹ Yesu ɖo ɳti nə wo bə: «Hoi! gbɔngbòn vɔen ŋ l'ənyə mə o, vò a, tiin Dada i ŋ lè cɔ bùbù nɔ, i miawo mi ʃ lè bu ŋ o. ⁵⁰ Nyi ŋ lè ji kàfù kafu nə ɖeekinyə o, vò a, amədəka lε, i lè ji i ŋ; ye i nyi Kojodotɔ a. ⁵¹ Ma nu àdòdo nə mi, nə amədə zɔn də tiinyɔ wo ji a, amə a ʃ ka ku gbədə o.» ⁵² Jifu wo nu nə Yesu bə: «Mi va nya ifia bə gbɔngbòn vɔen i lè əwo mə, ɖo Abraxamù ku, i Mawugbədoto wo cawo ku, gaŋkə wa lè nu ifia bə: "Nə amədə zɔn də ye nyɔ wo ji a, ʃ ka ɖɔ əku kpɔ o". ⁵³ Wa wugan mia tɔgbı Abraxamù kə ku a i a? Mawugbədoto wo cawo ku, mə ε i ə bu nɔ bə ye nyi ma ?» ⁵⁴ Yesu ɖo ɳti nə wo bə: «Nə ŋ cɔ kàfù kafu nə ɖeekinyə a, tiin kàfù kafu ŋ ka xɔ àfi o. Tiin Dada i lè cɔ kàfù kafu ŋ, yei mi nu nɔ bə ə nyi yewo Mawu, ⁵⁵ gaŋkə mi ʃ dəsi i o. Nya ŋ dəsi i, nə ŋ nu bə nyi ʃ dəsi i a, naa nyi vixotɔ sigbə miawo ənə. Vò a, ŋ dəsi i, i zɔn nɔ də ye nyɔ wo ji. ⁵⁶ Èji jɔ mia tɔgbı Abraxamù, ɖo é lè ɖo ɳkuvi tiin vava, é kpɔ ε nyawo, i èjijɔ ε.» ⁵⁷ Jifu wo nu nə ε bə: «ʃ wɔ əxo hoka ciwo(50) ɖε kpete o, i kpɔ Abraxamù a?» ⁵⁸ Yesu nu nə wo bə: «Ma nu àdòdo nə mi, ŋ le xoxo gbɔxo Abraxamù va jɔ.» ⁵⁹ Ènə a, wo fɔ əkpə wo, i ka xu i; vò a, Yesu bá, i do lə Mawusənxa a.

9

Yesu vɔ èpdè nə ɳtɔnɔ ɖeka

¹ Kə Yesu yikɔ a, é kpɔ ɳyucu ɖeka kə nyi ɳtɔnɔ co jijimə a. ² Ye dəkprɔvi wo ka ε sə bə: «Ènukpramətɔ, mə ε i jə àgò i wo ji i ɳtɔnɔ? Ye ɳta i à, nɔmi yetɔ wo ?» ³ Yesu rɔn nə wo

bə: «Í nyi yentə o, kpə jy nyi ye yetə wo gòjéjé wo i də, i wo ji i ntənə o. Vò a cagbətə nə Mawu na qə ye ɲusən disa to ji i də i wo ji i ənə. ⁴ Mí ɖo a wə amə kə də jy qidə a ye də wò, ifia kə əwunkə də a; ɖo əzan la va do i amədə jy ka gbə tə wə ədə o. ⁵ Gàkəmə jy lə xixə a mə a, jy nyi kèkrə nə xixə a.» ⁶ Kə Yesu nu ənə jrə a, é tu ètan də ayigban mə, i sə nya əko, i sə trə də ɳkuvi wo ji nə ntənə a; ⁷ i nu nə ε bə: «Yì Silowe tə a mə i ve fun ɲmə.» Silowe a ye gòmə i nyi "Amədəqidə." Ntənə a yi i ve fun ɲmə, kə i trə va a, é lə kpə ənu nyèŋgbin. ⁸ Ye kpəna wo kidə amə kə kpə ε i lə byc ənu awo, kasə bə: «Í nyi amə kə kan nə rən də i na lə byc ənu nə a?» ⁹ Amə dəka wo lə nu bə: «Ye i.» Amə bu wo bə: «Éo, jy nyi ye i o, amə dī amə i.» Vò a, ntənə a ɳta nu bə: «Enyə i.» ¹⁰ Wó ka ε sə bə: «Nə ɛ wə mə i tə ɳkuvi wo tə ənu kpəkpə?» ¹¹ É nu nə wo bə: «Jucu kə wo ȳnə bə Yesu a, i nya əko i sə də ɳkuvi wo ji jy, i nu jy bə: "Yì Silowe tə a mə i ve fun ɲmə."» I jy yì, i fun ɲmə a nyawo, i tə ənu kpəkpə!» ¹² Wó ka ε sə bə: «Fi ɳucu hunna lə?» É nu nə wo bə «Nyə jy nya o.» ¹³ Wo kpə ɳucu kə nyi ntənə dəqəeca a yi nə Farizitə wo. ¹⁴ Do, Jifu wo gbɔngbɔnzangbə i Yesu nya əko i sə hun ɳkuvi nə ntənə a. ¹⁵ Farizitə awo ca ka ɳucu a sə bə, nə i wə mə i lə kpə ənu? É nu nə wo bə: «Jucu a nya əko i sə də tiin ɳkuvi wo ji, i jy ve fun ɲmə, i kpə ənu.» ¹⁶ Farizitə dəwo nu nə ε bə: «Jucu hunna jy co Mawu gbo o, ɖo jy ɖo bùbù nə gbɔngbɔnzan a o.» Vò a, amə buwo nu bə: «Nə àgòjətə a tə jy wə mə i wə dəsi hunna?» I kankran ɖo farizitə wo domə. ¹⁷ Ènə a, Farizitə wo gbə ka ɳucu kə ədə və nə a sə bə: «Ewo i, nukee e bù də amə kə hun ɳkuvi n'əwo a jy?» É nu nə wo bə: «Amə hunna Mawugbədötə i jy nyi.» ¹⁸ Ènə a, Jifugan wo jy ji a xcsə bə é nyi ntənə dəqəeca, i va lə kpə ənu ifia o. Yeido i wó yə ye yetə wo. ¹⁹ I ka wo sə bə: «Mia vi i nyi ɳucu əla nyawo, i mi ji i ntənə a? Nə i wəmə i lə kpə ənu ifia? ²⁰ Yetəwo rɔn nə wo bə: «Mí nya bə mia vi i, i mí ji i ntənə. ²¹ Vò a, mí jy nya nə i wə mə i lə kpə ənu ifia o, kpə mi jy nya mə ε i hun ɳkuvi nə ε o, mi byc ənyə yentə sə, jy gbə nyi ɖevi o, yentə la ɖə mə nə mi. ²² Yetəwo lə nu ənə ɖo wó lə vɔnnən nə Jifugan wo, ɖo wo nu i d'ədu ɖə bə, wo a nya amədəsyadə kə la ɖə mə bə, Yesu i nyi Xègantə a, do lə wo bɔbɔxo a. ²³ Yeido i yetəwo lə nu bə: «Ij gbə nyi ɖevi o, mi byc ənyə yentə sə.» ²⁴ Farizitə wo gbə trə yə ɳucu kə nyi ntənə dəqəeca a, i nu nə ε bə: «Cə kàfù kafu nə Mawu, míawo mí nya bə ɳucu hunna a àgòjətə i.» ²⁵ É rɔn nə wo bə: Nyi jy nya nə i nyi àgòjətə o, vò a, ənu kə jy nya a, i nyi bə jy nyi ɳkuvi tənə dəqəeca, ifia jy lə kpə ənu.» ²⁶ Wó gbə ka ε sə bə: Nukee i wə nə əwo? Nə i wə mə i hun ɳkuvi nə əwo?» ²⁷ É rɔn nə wo bə: «Ij nu i nə mi dəqəeca, vò a, mi jy ɖo əto jy o. Nukeejə i mi ləjì i la gbə sə e? Nɔmi miaca wo mi lə ji a nyi ye dəkprɔvi i a?» ²⁸ Farizitə wo tə ε zuzu bə: «Ewo i nyi ye dəkprɔvi, Moyizi ye dəkprɔvi i

mí nyi.²⁹ Mí nya bə Mawu xo nuxo nə Moyizì, vò a, amə əla a, mi í nya fi ì co o.»³⁰ Ijucu a nu nə wo bə: «È kpaca ï bə mi í dəsi fi ì co o, ganjkə ə hun ɳkuvi ï. ³¹ Mi nya bə Mawu í də nə əto àgòjètə o, vò a, amə kə də nə bùbù nə Mawu, i wə nə ye jromənu a, amə hunna i Mawu də nə əto. ³² Mí í sə gbədə kpə bə, amə də hun ɳkuvi nə amə kə wo ji ɳtɔnɔ a o. ³³ Nə ijucu əla ï co Mawugbə o, í ka tə ï wə ənu də o. ³⁴ Wó rɔn nə ε bə: «Èwo kə nyi àgòjètə co gbəkikə wo ji əwo a, əwo i kə kpра ənu mi a ? I wo nya ε do lə wo bɔcɔxø a.

³⁵ Yesu sə bə Farizitə wo nya hɔnnyyə kə i hun ɳkuvinɔ a do. È ve kpə ε, i byɔ ε sə bə: «È xɔ Àgbətə əvi a sə a? ³⁶ Ijucu a xɔ ègbè nə ε bə: «Àxotə, mə ε i nyi amə a, nu ï ma xɔ ε sə.» ³⁷ Yesu nu nə ε bə: «È kpə amə a vɔ, amə kə lə xonu kidə əwo a i.» ³⁸ Ijucu a bə: «Àxotə, ï xɔcsə.» i jə èkro, i d'ənugu nə ε. ³⁹ Yesu nu nə ε xotɔn bə: «I va xixə a mə nə əvo toto na nɔ àgbətə wo mə, nə ɳtɔnɔ wo a tɔ ənu kpɔkpɔ, i amə kə lə kpə ənu awo a trɔ zun ɳtɔnɔ wo.» ⁴⁰ Farizitə kə lə axa nə Yesu awo sə ənyɔ a, i ka ε sə bə: «Ijɔnɔ i míaca wo mí nyi a? ⁴¹ Yesu nu nə wo bə: « Nə mi məne nyi ɳtɔnɔ wo i a, àgòjèjə də í ka l'èkɔ nə mi o; vò a, ifia kə mi bə: yewo lə kpə ənu a, yeidɔ i mi a gòjèjə wo kpɔtɔ l'èkɔ nə mi.

10

Yesu do èlo də arèngbə nyitə kidə arèngbə wo ï

¹ Yesu nu bə: «Ma nu àddòdo nu nə mi: Amə kə í to àgbo a nu də arèngbə wo kpo a mə o, i to əgrita də èkpo a mə a, amə hunna frafitə, enuvɔen wɔtɔ i ì nyi. ² Vò a, amə kə to àgbo a nu, i də mə a, yei nyi arèngbɔnyitə a. ³ Yei əmɔnucɔtə hùn nə èhɔn nɔ, i arèngbə wo na sə ègbè nə ε. È yɔ nə ye rèngbə wo ɳkɔ dəka dəka, i na də wo do ⁴ Nə i də wo see do a, é jənə ɳkɔ nə wo, i arèngbə awo na kpɔ ε do; də wo dəsi ye gbə. ⁵ Vò a, wó í kpɔnə aməjro do o, wu ənə a, wó si nɔ nə ε i; də wo í dəsi y'egbə o.» ⁶ Yesu do èlo hunna nə wo, vò a, wó í mɔnjə ənyɔ kə ì lə nu nə wo a mə o.

Yesu i nyi arèngbɔnyitə nyɔε a

⁷ Yesu gbə nu nə wo bə: «Ma nu àddòdo nə mi, ənyə i nyi arèngbə wo gbo a. ⁸ Amə kə jəŋkɔ ï va wo see a, frafitə ənunvɔen wɔtɔ i wó nyi; vò a arèngbə wo í də əto wo o.

⁹ Ènyə i nyi àgbo a, amə kə to əjinyə a, wo a xɔ ε gan, a lə yi, i la lə gbɔ, i la kpɔ ənu dù.

¹⁰ Frafitə va a, é va finə əfi, é wunə amə, i na dahən ənu wo; ənya a, ï va, nə àrèngbə

wo na kpɔ àgbə, i kpɔ àgbə də àgbə ji. ¹¹ Ènyə i nyi arengbɔ kprɔtɔ nyɔe a. Arengbɔ kprɔtɔ nyɔe a, cɔnə y'egbə sə sa wɔ də ye rɛngbɔ wo tamə. ¹² Amə kə ï nyi arengbɔ kprɔtɔ o; i arengbɔ awo ï nyi yetɔ o, i ì lə wɔ ədɔ i a xɔ əho a; nə i kpɔ èhra gbɔnɔ a, ə si nɔ gbə arengbɔ awo ɖe, i èhra na ɖo wo mə, i na lə ɖoo, i na gban ɖoo do. ¹³ Amə kə lə wɔ ədɔ i a xɔ a, ï lənəbə nə arengbɔ awo nyòŋgbin o. ¹⁴ Ènyə i nyi arenkprɔtɔ nyɔe a. Ï dəsi tiin rɛngbɔ wo, i wó dəsi ï, ¹⁵ Nənə kə Dàdà a dəsi ï, i ï dəsi Dàdà a nə. Ï cɔ tiin gbə sə na də tiin rɛngbɔ wo tamə. ¹⁶ Ï gbə wɔ arengbɔ buwo ɖe i wo ï lə èkpo əla mə o. Ï ɖo a kprɔ wo cawo va lela, i wó a sə tiin gbə, i wó a nyi èkpo ɖeka kpaj, i arengbɔ kprɔtɔ ca la nyi ɖeka kpaj. ¹⁷ Dàdà a ɖo rɔnrɔn ï, ɖo ï cɔ tiin gbə sə na, i la gbə kpɔ ε xɔ. ¹⁸ Amədə ï ka tə xɔ tiingbə lə asinyə o, vò a, ənyə ñta i sə na də tiin jro mə, ï wɔ ace ɖe i a sə na, i gbə wɔ ace ɖe i a gbə xɔ ε. Sigbə tiin Dada dɔ ï a nə.» ¹⁹ Ènyɔ hunna wo i dɔ i mama va jifu wo domə. ²⁰ Amə sùgbɔ lə nu lə wo domə bə: «Gbɔngbɔn wɔen lə ɖəfū nə ε! Cukunc i! Nukeejɔ mi lə ɖo əto e?» ²¹ Vò a, aməbu wo nu bə: «Í nyi amə kə gbɔngbɔn wɔen lə ɖəfunnɔ a ye nuxo nə o. gbɔngbɔn wɔen a tə hun ïkuvi nə ñtɔnɔ a?»

Jifu wo gbə Yesu

²² Wo lə ðu azan nə Mawusənxo xɔ lə Jeruzalemu, lə bariwe gamə. ²³ I Yesu lə dan to Salomɔ y'əhɔn ji, lə Mawusənxo a. ²⁴ Jifu wo xixra də e, i nu nə ε bə: «Kékə jə gà kə e mə i a gbə mí də ənu xokpɔ mə jə? Nə i nyi əwo i nyi Kriso a, nu i, nə mí də ənu jɔnu mə.» ²⁵ Yesu nu nə wo bə: «Ï nu i nə mi wɔ, i mi ï xɔ sə o. Èdɔ kə ï lə wɔ lə tiin Dada ñkɔ mə awo lə ɖ'ekunnu ï. ²⁶ Vò a, mi ï xɔ sə o, ɖo mi ï lə tiin rɛngbɔ wo mə o. ²⁷ Tiin rɛngbɔ wo sə nə tiin gbə, ï dəsi wo , i wó kprɔnə ï do. ²⁸ Ï na nə wo àgbə mavɔ, wó ï ka dɔn gbədə o, i amə ɖekən ï ka tə ï xɔ wo lə tiin lɔ mə o. ²⁹ Tiin Dada kə cɔ wo də alɔ mə ï a wugan ənu wo see, i amə ɖekən ï wɔ ace ɖe i a xɔ, ənu lə tiin Dada ye lɔ mə d'ègan ï o. ³⁰ Ènyə kidə Dada a, ɖeka i mi nyi.» ³¹ Jifu wo gbə fɔ əkpə i a da, sə xu Yesu wu. ³² Vò a, Yesu nu nə wo bə: «Ï disa ədɔ nyòŋgbin sùgbɔ kə co tiin Dada gbɔ awo nə mi. Èdɔ hunna wo kə e i dɔ, i mi ka xu èkpə ï wu?» ³³ sJifu wo nu nə ε bə: «Í nyi ədɔ nyòŋgbin i dɔ, i mí ka xu èkpə əwo wu o, vò a, cagbə ənù kə əzan də Mawu ï a tɔ, ɖo əwo kə nyi àgbətɔ a, ə cɔ ɖəkiwo sə yɔ Mawu. ³⁴ Yesu nu nə wo bə: «Wo ï ñrɔ də mia səwema a mə bə: Mawu nu bə, mawu wo i mi nyi a?» ³⁵ Mawunyɔ wema a nε, wo ï ka tə ï tutu ənu ɖekən lə mə ənə; nə wo yɔ amə kə wo lə nu Mawunuɔ a nɔ awo bə Mawu a, ³⁶ nukee jɔ i Ènyə kə Mawu cɔ d'èvo, i dɔ ï ɖiɖa xixə a mə a, ï nu nə mi bə: Mawuvi i ï nyi, i mi nu bə, ï zan ənu də Mawu ï ko? ³⁷ Nə nyi ï lə wɔ tiin Dada ədɔ wo o, mi ï

ka xɔ ñ sə o. ³⁸Vò a, nə ñ də lə wɔ ədɔ kə nyi yetɔ wo a, i mi ñ xɔ ñ sə a, mi xɔsə cagbə ədɔ hunna wo tɔ, nə mia nya, i mɔnjəmə bə, Dàdà l'ənyə mə, i ñ lə Dàdà a mə. ³⁹Enə a, wó gbə lə ji a lə Yesu, vò a, é do lə wo mə. ⁴⁰Yesu gbə trɔ yi Judeen tɔ a ñgbə, ləfi Jaan tɔ Mawucilələ nə amə wo lə a; i nɔ leena. ⁴¹Amə sùgbə yì gbə leena, i nu bə: «Jaan ñ wɔ ənujiwun ɖekən o, vò a, ənyɔ kə i nu də ñrucu hunna ñ awo see i nyi àdodo!» ⁴²Enə a, amə sùgbə xɔ Yesu sə leena.

11

Lazaa ku

¹ Ñrucu ɖeka l'èdò ñe, i tɔbə Lazaa, é nɔnɔ Betani. Betani hunna i nyi Mari kidə nɔvia nyɔrun Mata wo èdùmə. ²Mari huna i ñɔ ceru kɔ də afɔ wo nə Àxotɔ, i cɔ ye ña sə tutu i; nɔvi a Lazaa i l'èdɔ ñe. ³Nɔvi nyɔrun aməvə awo dɔ amə ɖeka ñi ña nə a nu nə Yesu bə: «Àxotɔ, əxrc əwo l'èdò ñe.» ⁴Kə Yesu sə ənə a, é nu bə: «Èdɔ a ñ ka wu Lazaa o, vò a, èdò a la ñe Mawu ye kafukafu disa. Enə a, a nyi kafukafu nə Mawu Èvi a.» ⁵Yesu rɔn Mata kidə nɔvi a Mari kidə Lazaa. ⁶Kə Yesu sə bə Lazaa l'èdò ñe a, é nɔ ləfi i lə ñe a, nə ñkəkə aməvə, ⁷i nu nə ye dəkprɔvi wo bə: «Mía trɔ yi Judee.» ⁸Ye dəkprɔvi awo nu nə ε bə: «Ènukpramətɔ, ñ diŋdin ɖefia o, i Jifu əgan wo lə ji a dà əkpə sə wù əwo, i a gbə trɔyi leena a?» ⁹Yesu nu nə wo bə: «Iñ nyi gaxoxo aməwivə i lə ñkəkə ɖeka mə a? Nə amə ñe lə zɔn lə ñkəkə mə a, ñ krə nə afɔ o, ñe é lə kpɔ xixə a ye kèkrə. ¹⁰Vò a, nə amə ñe lə zɔn lə əzan mə a, é krə nə àfɔ, ñe kèkrə ñ le o.» ¹¹Yesu gbə nu dəji bə: «Mía xrɔ Lazaa dɔn arɔn, vò a, ma ve nyɔ ε.» ¹²Adəkprɔvi awo nu nə ε bə: «Àxotɔ, nə i nyi arɔn i lə ñe dɔn a, èdò a vɔ nə ε.» ¹³Lazaa ku i Yesu lə nu nə wo, vò a adəkprɔvi awo bubə arɔn gbale ənyɔ i lə nu. ¹⁴Enə a, Yesu nu nə wo ganagana bə: «Lazaa ku. ¹⁵È jɔjì ñ cagbə miatɔ ñe nyə ñ leena gbɔxo i ku o, cagbə mia xɔsə. Vò a, mi va mía yi gbə.» ¹⁶Enə a, Tɔma kə wo nyɔnɔ bə «Èkranvi a», nu nə adəkprɔvi ɖeyə wo bə: «Mi va míacawo mía yi kidə Àxotɔ nə mia, i a ku kidə e.»

Yesu i nyi nyɔnyɔ co əku i gbə nyi agbə

¹⁷Kə Yesu va a, é sə bə wo cɔ Lazaa də əyɔdo mə ə wɔ ñkəkə ènə vɔ. ¹⁸Betani təbɔ Jeruzalemu sigbə əmɔjrəkpo amɔtɔn ənə. ¹⁹I Jifu wo sùgbə va Mari kidə Mata gbə, i a ci wo nə wo nɔvi kə ku a. ²⁰Kə Mata sə bə Yesu gbɔnɔ a, é ve dogo e; vò a, Mari ci axo mə. ²¹Mata nu nə Yesu bə: «Àxotɔ, nə i nyi lela i ə mənə lə a, nɔvinyə ñ ka ku o! ²²Ganjkə,

ifia ca a, ñ nya bə ənu qesiadə kə a byɔ Mawu a, a na əwo.»²³ Yesu nu nə ε bə: «Tɔɔ nɔvi la nyɔ co əku.»²⁴ Mati nu nə Yesu bə: «Iŋ nya bə a nyɔ, gbəkikə aməkuku wo la nyɔ co əku lə ŋkəkə ŋgbəsitɔgbə a.»²⁵ Yesu nu nə ε bə: «Eñyə i nyi nyuyɔ co əku, i gbə nyi agbə. Amə kə xɔ ñ sə a, nə i ku ca a, a nɔ agbə,²⁶ i amə kə l'agbə, i xɔ ñ sə a, ñ ka ku gbədə o. Eñxɔsə ənə a?»²⁷ Mata rɔn nə Yesu bə: «Eñen, Àxotɔ, ñ xɔsə bə e nyi Kriso Xògantɔ, Mawu Èvi kə la va xixə a mə a.»

Yesu fan avin

²⁸ Kə mata nu ənə jrc a, é yɔ nɔvia Mari, i dɔkpə nə ε bə: «Eñukpramətɔ a va, i ka tɔcta sə.»²⁹ Kə Mari sə ənə a, é co zedeka i yi Yesu gbo.³⁰ Vɔ a, Yesu ñ dɔ ədu a mə hado o, é kprɔ də lə ləfi Matə do əgo e lə a.³¹ Kə Jifu kə va axo a mə, i va ci Mari awo kpɔ bə Mari co kaba i do a, wó kprɔ ε do, i bubə á ka ve fan avin lə əyɔdo a gbo i.³² Kə Mari va ləfi Yesu lə, i kpɔ ε a, é jə əkroji də akɔmə nə ε, i nu nə ε bə: «Àxotɔ, nə lela i ə manə lə a, tiin nɔvi ñ ka ku o.»³³ Kə Yesu kpɔ bə Mari kidə Jifu kə kprɔ ε do awo lə fan avin a, ə ku əjju nə ε, i aye gbando nə ε.³⁴ I ì ka wo sə bə: «Ləfi mi cɔ ε do?» Wó rɔn nə ε bə: «Àxotɔ va kpɔ.»³⁵ I Yesu fan avin.³⁶ Jifu awo nu bə: «Mi kpɔ sigbə i rɔn Lazaa qee!»³⁷ Vɔ a, ameqəwo lə wo mə i nu bə: « Ya kə hun ŋkuvi nə ŋtɔnɔ a, ñ ka tə ñ wɔ nə Lazana gbə kuku a?»³⁸ Èjju gbə ku Yesu, i ì yi əyɔdo a to. Èyɔdo a, əkpə wo mə i wo kù i do, i cɔ əkpə ganɔgan qeka cɔn ənù nə ε.³⁹ Yesu nu bə «Mi bri əkpə a ji.» Matə kə nyi Lazaa kə ku a nɔvi nyɔrun a, nu nə ε bə: «Àxotɔ, ə wɔ ŋkəkə ənə l'əyɔdo a mə vɔ.»⁴⁰ Yesu nu nə ε bə: Nyə ñ nu n'əwo bə nə e xɔsə a, aa kpɔ Mawu yə kafukafu a?⁴¹ Wo də əkpə a jii, Yesu cɔ ŋkuvi də əji i bə: «Dàdà, ñ do akpə n'əwo bə ə də əto ñ.»⁴² ñ nya bə ə də nə əto ñ tegbəe, vɔ a, amə kə xixra də ñ də awo i dɔ ñ lə xonu n'əwo, nə wo a nya bə əwo i dɔ ñ qidə.»⁴³ Kə Yesu nu ənə jrc a, é də axa sinsin i bə: « Lazaaa, do i va!»⁴⁴ Aməkuku a do, i alɔ wo kidə afɔ wo lə brabra, i avɔn bra ŋkuvimə də nə ε. Yesu nu nə wo bə: «Mi tu i, i gbə e də nə a yì.»

Eñhabɔbɔgan wo lə bra ègbə də Yesu ñ

Mati 26:1-5; Makə 14:1-2; Luka 22:1-2

⁴⁵ Kə Jifu kə va Mari gbo awo kpɔ ənu kə Yesu wɔ awo a, wó domətɔ sùgbɔ cɔsɔx. ⁴⁶ Vɔ a, wo domətɔ dəwo ve kpɔ Farizitɔ wo i nu ənu kə Yesu wɔ awo n'əwo.⁴⁷ Ènə a, Mawuvɔsatɔgan wo kidə Farizitɔ wo bɔ amə kə lə kojodoxo ganɔgan mə awo, i nu bə: « ɿuncu hunna lə wɔ dəsi ənujiwun tɔ wo sùgbɔ. Nukee mía wɔ nə ε? ⁴⁸ Nə mí gbə e də, i

yi ḥkɔ lè ənu kɛ i lè wɔ a mɛ a, amɛ wo see la xɔ ε sə, i rɔmatɔ wo la gban mía Mawusənxo kidɛ mía dùkɔn.»⁴⁹ Vò a, wo domɛ tɔ qeka tɔ bɛ Kayifu i nyi Mawuvɔsatɔgan lè əxo hunna mɛ. Í nu nə wo bɛ: «Mi í mɔŋjɛ ənu ḫekɛn ï o.»⁵⁰ Mi ï kpɔ bɛ, nə amɛ qeka tɔtɔ ku də dùkɔn a tamɛ a, é nyɔwu bɛ dùkɔn a see na gban a?»⁵¹ Vò a, í nyi yenɔ a ejro mɛ i ì lè xo nuxo hunna lè o, vò a, kɛ i nyi Mawuvɔsatɔgan lè əxo hunna mɛ a, é nu qe bɛ Yesu qo a ku də dùkɔn a see tamɛ. ⁵² í nyi dùkɔn hunna tamɛ ḫədɛ, i a ku do o, vò a, a bɔ Mawu vi kɛ gbando awo d'ədu.⁵³ Co gbona i wó cɔ gbəta bɛ yewo a wù Yesu.⁵⁴ Yeido, i Yesu í gbe qənɔ ḫekia disa nə Jifugan wo lè gbaŋba o. Í yi əkan kɛ təbɔ zògbàji, lè àdùgan kɛ təbə Efrayimù a mɛ, i nɔ leena kidɛ ye dəkprɔvi wo.⁵⁵ Didivayixo Jifu wo tɔ təbɔ, i èdù amɛ tɔ wo sùgbɔ lè yi Jeruzalenu, i a wɔ əkɔnu cɔcɔdəkɔkɔjito gbɔxɔ əxo a na va.⁵⁶ Wó lè Mawusənxo qe i lè ji Yesu, wó lè ka wo ḫekiwo sə bɛ: «Nə mi lè bu i mɔ? A va əxo a toho a, nɔmi í ka va o?»⁵⁷ Mawuvɔsatɔgan wo kidɛ Farizitɔ wo na gbe qe bɛ, nə amədɛ dəsi ləfi Yesu lè a, é qo a nu nə yewo nə wo a lè e.

12

Mari qɔ ceru kɔdɛ afɔ nə Yesu

(Matie 26:6-13; Makə 14:3-9)

¹ Ìkèkè adən gbɔxɔ wo a qù didivayixo a, Yesu yi Betanii, ləfi Lazaa kɛ i nyɔ lè aməkuku wo mɛ a nɔnɔ a. ² Leena i wo nà ənuqùdù Yesu lè, i Matə lè ma ε nəwo. Lazaa nyi ḫeka lè amɛ kɛ lè qù ənu kidɛ e awo mɛ. ³ Mari cɔ ceru xɔ əho litri mamɛ kɛ wo cɔ Nadə sə wɔ a kɔdɛ afɔ nə Yesu, i cɔ ye qə wo sə tutu i. Axo a see lè hɔn ceru a. ⁴ Ènə a, Juda Iskariɔtə kɛ nyi ḫeka lè ye dəkprɔvi wo mɛ, i ka sa ε a, nu bɛ: ⁵ «Nukeejɔ i wo í na sa ceru hunna də əhoga kadətakpo (300), i cɔ əho a sə mà nə ayamɔnɔ wo o?»⁶ Í nyi ayamɔnɔ wo nu i qù àdɔnu nə Juda, i dɔ i ì lè nu ənyɔ hunna o, vò a, frafitɔ i ì nyi. Yei hənə əho qaka a, i finə l'əmə. ⁷ Vò a, Yesu nu bɛ: « Mi gbe nyɔrun a qe! Í wɔ ənə qe nə gbəkikɛ wo a qì ï a ⁸ Ayamɔnɔ wo lè kidɛ mi qe tegbɛe, vò a, ənyə a, nyi í ka lè mia gbɔ qe tegbɛe o.»⁹ Ganamə a, jifu sùgbɔ sùgbɔ sə bɛ Yesu lè Betani. Wó í yi cagbə Yesu ḫekɛn tɔ o, vò a, wó yi i la kpɔ Lazaa kɛ Yesu nyɔ lè aməkuku co əku a.¹⁰ Ènə a, Mawuvɔsatɔgan wo cɔ gbəta i a wù Lazaa ca,¹¹ qo cagbə yetɔ i jifu sùgbɔ lè co lè wo gbɔ i ve lè xɔ Yesu sə.

Yesu va dō Jeruzalemù

(Matie 21:1-11; Makə 11:1-11; Luka 19:28-40)

¹² Lə ye ịkəgbə a, àhwà sùgbə sùgbə kə va əxo a ɖu gbə awo, sə bə Yesu gbənɔ̄ Jeruzalemù. ¹³ Wo see ve ji ədəbaya, i do lə ədùgan a mə, i ve do ègo Yesu, i lə də àxa bə: «Kafukafu nə Mawu! Mawu na xodə nə amə kə gbənɔ̄ lə Etchonɔ̄ ịjkə mə a! Mawu na xodə nə əfyɔ̄ Izrayelə tɔ̄. ¹⁴ Yesu kpɔ̄ ketekeketevi ɖeka i karen d'əji, sigbə Mawuwema nu i bə: ¹⁵ «Vènnvɔ̄n ñ ka ji əwo o, Jerizalemù du! Kpɔ̄ tɔ̄ fyɔ̄ i kanren də ketekeketevi ji gbənɔ̄ kə.» ¹⁶ Ye dəkprɔ̄vi wo ñ mɔ̄ ənu jə, ənu kə jɔ̄ a mə aka aka o, vò a, gakəmə Yesu lə xɔ̄ kafukafu a, i wó va ɖoŋ bə ənu hunna kə wo ɳrɔ̄ də Yesu ɳ a i lə jɔ̄. ¹⁷ Amə sùgbə kə lə Yesu gbə, gákəmə i yɔ̄ Lazaa, i nyɔ̄ ε lə aməkuku wo mə a, wo lə ɖə əkunu nə ənu kə wo kpɔ̄ awo. ¹⁸ Yeidɔ̄, i àhwà va dogo Yesu, ɖo àhwà sə dəsi ənujiwun tɔ̄ kə i wɔ̄ a. ¹⁹ Farizitɔ̄ wo lə nu lə wo ɖekiwo domə bə: «Mi kpɔ̄ bə mi ñ ka tə wɔ̄ ənu ɖə a: Mi kpɔ̄ sigbə amə wo see lə kprɔ̄ ε do a! ²⁰ Grékitɔ̄ ɖəwo lə wo mə, i yi Jeruzalemù lə Mawu sən gbə lə əxo a gamə. ²¹ Wó ve kpɔ̄ Filipu kə co Betsayida lə Galilee kanmə a, wó nu nə ε bə: «Egan, Mí ka kpɔ̄ Yesu.» ²² Filipu ve nu nə Andre, i wo see yi i ve nu i nə Yesu. ²³ Yesu nu nə wo bə: «Ègà xo i wo a cɔ̄ kafukafu nə Àgbətɔ̄ Èvi a ²⁴ Èen, ma nu àdòdo nə mi bə: Nə ənuku ñ yi əgumə, i ku o, ñ na nə cəncən o, vò a, nə ì ku a, é cən nɔ̄ èku sùgbə. ²⁵ Amə kə ɖo rɔ̄nrɔ̄n nə y'egbə a, la cɔ̄ ε sə bu; vò a, amə kə ñ ɖo rɔ̄nrɔ̄n nə y'egbə lə xixə əla mə a, la hən y'egbə ɖε nə àgbəmavɔ̄. ²⁶ Nə amədə la sən ɳ a, na kprɔ̄ ɳ do, ənə a, aməsəntɔ̄ ca la nɔ̄ ləfi ɳ nɔ̄ a, tiin Dada la na ε bùbù.

Yesu xonu də əku kə i ka ku a ɳ

²⁷ Ifia, tiin ye gbando, nə maa nu mɔ̄ ? “ Ma nu bə Dàdà xɔ̄ ɳ lə vèvə səsə kə gbənɔ̄ ɳ a si i a? ” Èo, nyə ɳ ka nu ənə o, hunna i dɔ̄ i ɳ va. ²⁸ Dada cɔ̄ kafukafu nə tɔ̄ ịjkə. » zedeka a wo sə ègbə ɖeka ɖi co jiŋkori i bə: «Ij cɔ̄ bùbù nə ε vɔ̄, i la gbə lə cɔ̄ bùbù nə ε. » ²⁹ Kə àhwà kə lə leena ɖε awo sə ègbə a, wo nu bə: «Èci i lə d'ègbə! » Amə buwo nu bə: «Mawujədotɔ̄ ɖeka i xonu nə ε! » ³⁰ Vò a, Yesu nu nə wo bə: «Ij nyi cagbə tiinyə i ègbə hunna ɖi o, vò a, cagbə miatɔ̄ i ègbə a ɖi. ³¹ Ifia i wo a ɖo kojo nə xixə əla; ifia i wo a nyà əfyɔ̄ xixə əla tɔ̄ do. ³² Ènya a, gakəmə wo a cɔ̄ lə anyigbanji, sə yi əji a, na dɔ̄n àgbətɔ̄ wo see va ègbənyə. » ³³ Kə i nu ənyɔ̄ hunna wo jɔ̄ a, é nu əku arɔ̄kpə kə i ka ku a nə wo. ³⁴ Àhwa a nu nə ε bə: «Mí hrən lə əsəwema mə bə Kriso Xègantɔ̄ a ñ ka ku gbədə o. I wa lə nu nə mí bə wo a cɔ̄ àgbətɔ̄ əvi a də əji. Mə ε i nyi àgbətɔ̄ əvi hunna? » ³⁵ Yesu nu nə wo bə: «Kèkrə a kpɔ̄tɔ̄ lə miadomə ɖε nə gàmə hɔ̄deka; mi zɔ̄n gákəmə kèkrə lə

miadomə a, nə zubru ñ ka va do də mi o. Ðo amə kə lə zɔn zubru mə a ñ dəsi fi i yikə a o.³⁶ Mi xɔ kèkrə a sə gakəmə i lə mia mə a, kina mia nyi kèkrə èvi wo.»

Jifu wo ñ xɔ Yesu sə o

Kə Yesu xonu nə wo ənə jrɔ a, é yi i ve bə də wo də diŋdin toho.

³⁷ Sigbə Yesu wə ənujiwu sùgbo wo lə wo ɳkuvimə qee a nə, gaŋkə wo ñ cx sə o.

³⁸ Ènə, ənyɔ kə Mawugbədoto Ezayi nu a ce, yei nyi bə:

«Etchonɔ, mə ε i xɔ ənyɔ kə mí nu awo sə?

Etchonɔ, mə ε a qə tɔ ɳusən disa nɔ?»

³⁹ Ezayi gbə nu ənu kə dɔ amə hunna wo ñ ka tə xcsə a. Yei nyi:

⁴⁰ «Mawu tɔn ɳkuvi nə wo, nə wo ɳ ka kpɔ ənu o,

a tri ðjì nə wo, nə wo ñ ka mɔŋjə ənu mə;

i va trɔ jímə, nə ma νɔ ðdɔ nə wo o.»

⁴¹ Ezayi nu ənə, qo é kpɔ kafukafu kə Yesu wɔqə a, i xonu də ɳ. ⁴² Ganamə ɳta ca a, Jifu əgan wo sùgbo lə xɔ Yesu sə, vɔ a, cagbə Farisito wo tɔ a, wó ñ doji i lə nu i do o; cagbətɔ nə wo ñ ka va nya wo do lə Mawusənxo a o. ⁴³ Ðo kafukafu kə wo a xɔ lə àgbətɔ wo gbo a, nyɔ nə wo ɳkɔ səwu kafukafu kə wo a xɔ lə Mawu gbo a. ⁴⁴ Yesu də axa i bə: «Amə kə xɔ ɳ sə a, ñ xɔ ənyə qekən sə o, vɔ a, é xɔ amə kə dɔ ɳ qidə a sə, ⁴⁵ i amə kə kpɔ ɳ a, kpɔ amə kə dɔ ɳ qidə a. ⁴⁶ Ènya a, ɳ va xixə a mə sigbə kekrə ənə, nə amə qəsiqdə, kə la xɔ ɳ sə a ñ ka nɔ zubru mə o. ⁴⁷ Nə aməqdə sə tiin nyɔ wo, i ñ zɔnɔ dəji a, ɳ nyi ənyə i la qo kojo nə ε o; qo nyi ñ va i a qo kojo nə xixə a o, vɔ a, ɳ va i a xɔ xixə a gan. ⁴⁸ Amə kə gbə ɳ, i ɳ xɔ tiin nyɔ wo a, amə hunna ɳta kpɔ ənu kə la qo kojo nə ε a: Ènya kə ɳ nu awo i la do kojo nə ε lə ɳkəkə ɳgbəsi tɔ gbə. ⁴⁹ Ñ nyi nyəɳta ce mə i ɳ lə xo nu do o, vɔ a, Dàdà kə dɔŋ qidə a ɳta i na ègbə ənu kə maa nu, kidə kə ma kpra amə wo a ɳ. ⁵⁰ Ñ nya bə ənu kə Dàdà a qə əgbə nɔ a, na nə agbə manvɔ, ənə a, ənukə ɳ lə nu a, ɳ lə nu i sigbə tiin Dada nu i ɳ a.»

13

Yesu krɔ afɔ nə ye dəkprɔvi wo

¹ Gbòxo didivayixo a na va a; Yesu nya bə gàmə sun i ye a co lə xixə əla mə yì Dàdà

gbo. É ron amə kə nyi ye tɔ lə xixə a mə a wo, é ron wo kékə yì ku. ² Gakəmə Yesu kidə ye dəkpröviwo lə qù ənuqùdu fyenyitə a, Regba cɔ susu vɔen də aye mə nə Juda, kə nyi Simcc Iskariotə via bə na sa Yesu. ³ Kə Yesu nya bə Dada cɔ ənu wo see də alç mə nə ye, i y'egbə i ye co, i gbə trɔ yikɔ gbo a. ⁴ Yesu co lə ənuqùdu a gbo, i qə ye wu qɛ, i cɔ àvòn sə bra arin. ⁵ É qɔ əci kɔdə basia mə i tɔ afɔ krɔkrɔ nə ye dəkprövi wo, i na cɔ àvòn kə i sə bra arin a tutu i. ⁶ É va jə Simcc Pyee ji, i Pyee nu nə ε bə: «Àxotɔ, əwo i a krɔ afɔ η a?» ⁷ Yesu nu nə ε bə: «Enu kə η lə wɔ a, η ka tə nya ifia o. Vò a, lə ma dinjedin mə a, aa va mɔnjemə.» ⁸ Pyee nu nə ε bə: «Eo, η ka krɔ afɔ η gbədə o!» Yesu nu nə ε bə: «Nə nyə η krɔ afɔ n'əwo o, η kaa gbə tə η nɔ kidə η o.» ⁹ Simcc Pyee nu nə ε bə: «Nə i nyi ənə a, Àxotɔ η ka nyi afɔ qədə i à krɔ η o, vò a, krɔ èta kidə alç wo ca η!» ¹⁰ Yesu nu nə ε bə: «Amə kə lə əci a, afɔ wo qədə i kpɔtɔ nə à krɔ, i la qì kəŋkəŋ, kpɔ miawo mi qì qɛ vò, vò a, η nyi miawo see i o.» ¹¹ Enə a, Yesu dəsi amə kə ka sa ε a, yeidɔ i ì nu bə: «I nyi miawo see i qì o.» ¹² Kə Yesu krɔ afɔ nə wo jɔ a, é cɔ ye wù do, i tɔ ənuqùdu kidə wo, i nu nə wo bə: «Mi mɔnjə ənu kə η wɔ nə mi a mə a?» ¹³ Mi yɔnɔ η bə Ènukpramətɔ, i yɔnɔ bə Àxotɔ, mia nyɔ jɔ qo η nyi i. ¹⁴ Nə ənyə kə nyi Àxotɔ, i nyi Ènukpramətɔ a, krɔ afɔ nə mi a, miacawo mi qo a krɔ afɔ nə mia qəkiwo. ¹⁵ Do kpɔdəj i η nà mi, i ənu kə η wɔ nə mia, mia wɔ ε nə miaqeki wo. ¹⁶ Nyawo a, ma nu àdòdo nə mi: Aməsəntɔ qə η wunəgan ye gan o, nənə kə i amə kə wo dɔ qìda η wunəgan amə kə dɔ ε qìda a ənə. ¹⁷ Ifia kə mi dəsi ənu hunna a, nə mi wɔ dəji a, a nyɔ nə mi. ¹⁸ I nyi mia wo see, i η lə xonu nɔ o, η dəsi amə kə η can awo. Mawu nyɔ əla qo la ce, yei i nyi: “Amə kə lə qù ənu kidə η a la fɔn ahwa d'əjinyə.” ¹⁹ I lə nu i nə mi ifia gbòxo nə a va jɔ. Kina nə i va jɔ a, mia xɔsə bə “ I nyi amə kə η nyi a”. ²⁰ Ma nu àdòdo nə mi: Amə kə xɔ amə kə η dɔ qìda a, é xɔ nyənta, i nə i xɔ η a, é xɔ amə kə dɔ η qìda a.»

Yesu nu bə Juda la sa ye

(Matie 26:20-25; Makə 14:17-21; Luka 22:21-23)

²¹ Kə Yesu nu ənyɔ hunna wo jɔ a, ye yè gbando, i ì nu bə: «Ma nu adodo nə mi, amə qeka lə miāmə i la sa η.» ²² Àdəkprövi awo tɔ wo qəkiwo kpɔ kpɔ, i lə kasə bə, mə ε i ì lə nu. ²³ Adəkprövi awo qeka, kə Yesu qo rɔnɔn nɔ a lə akpaqeka nə ε. ²⁴ Simcc Pyee wɔ ηkuvi bə na ka Yesu sə bə mə ε nyɔ i ì lə nu. ²⁵ Adəkprövia cɔ əta də akɔtanu nə Yesu i kasə bə :«Àxotɔ mə ε i ?» ²⁶ Yesu rɔn nə ε bə: «Na nyɔ kpɔnɔ a də agban mə: Amə kə ma cɔ ε nɔ a, amə a i.» Yesu kan kpɔnɔ, i nyɔ ε də agban mə i cɔ ε nə Juda Simcc Iskariotə əvi a. ²⁷ Kə Juda xɔ kpɔnɔ a, Regba qo aye mə nə ε, i Yesu nu nə ε bə: «Enu kə ə ka wɔ a,

wɔ ε kaba!»²⁸ Amə kə lə leena dε awo ɖekən, jí mɔŋjə ənu kə dɔ Yesu nu ənə nə ε a mə o.²⁹ Kə i nyi bə Juda i hən nɔ əhodəka a, amə sùgbɔ bubə Yesu nu nə ε bə na ve xrə ənu kə yewo hian nə əxo a; nɔmi na nà ənu ayamɔnɔ wo i.³⁰ Juda xɔ kpɔnɔ a i do zədəka. Ezan do ganamə vo.³¹ Kə Juda do a, Yesu nu bə: «Ifia Mawu Əvi a xɔ kafukafu, i Mawu xɔ kafukafu to Əvia ji.³² [Nə Mawu xɔ kafukafu to Əvia ji a], Mawu ca la kafu əvia lə ɖəkia gbɔ, a kafu i ifia.³³ Əvinyə wo, nyi jí ka gbə nɔ miagbɔ sùgbɔ o. Mia ji η, sigbə η nu i nə Jifugan wo a, i η lə nu i nə mia cawo ifia: Mi jí ka tə jí yì ləfi η yikɔ a o.³⁴ «Na nà əsə yeye wo mi: Mi rɔn miaqəkiwo. Mi ɖo a rɔn miaqəkiwo, sigbə η rɔn mi a.³⁵ Nə mi rɔn lə miaqəkiwo a, amə wo la nya bə mi yi tiin dəkprɔvi wo.»

Yesu nu bə Pyee la gbə ye

(Matie 26:31-35; Makə 14:27-31; Luka 22:31-34)

³⁶ Simɔɔ Pyee ka Yesu sə bə: «Àxotɔ, fi ə yikɔ?» Yesu rɔn nə ε bə: «Ləfi η yikɔ a, jí ka tə kprɔ η do ifia o, vɔ a, a va kprɔ η do lə madiŋdin mə.»³⁷ Pyee ka Yesu sə bə: «Àxotɔ, nukeejɔ i nyə jí ka tə kprɔ əwo do ifia o? Naa cɔ tiin gbe sə sa də tɔ tamə!»³⁸ Yesu nu nə ε bə: «E lə əgbəsɔsɔ i la ku də tiin tamə nyawo a? Ma nu àdòdo n'əwo gbɔxɔ kokro la ɖ'atɔ a, a gbə η zətɔn.»

14

Yesu i nyi əmɔ kə yi Dàdà gbɔ a

¹ Yesu nu nə Ye dəkprɔvi wo bə: «Aye η ka gbando nə mi o. Mi xɔ Mawu sə, mi xɔ ɳca sə. ² Lə tiin Dada xo mə a, nɔxɔ sùgbɔ i le. Yeidɔ η nu nə mi bə: “Naa ve grado toho dε nə mi.” ³ I nə η ve gra toho a do jɔ a, naa trɔva va kprɔ mi, i ləfi η lə a miacawo mia nɔ leena. ⁴ Mi dəsi əmɔ kə kprɔ amə yi ləfi η yikɔ a.» ⁵ Tomà nu nə ε bə: «Àxotɔ, mi jí dəsi ləfi ə yikɔ a o. Nə mia wɔmɔ i dəsi əmɔ a?» ⁶ Yesu rɔn nə ε bə: «Ənyə i nyi əmɔ a, i nyi adodo, i gbə nyi əgbə. Amə ɖekən jí ka tə yì Dada a gbɔ nə η to əjinyə o.» ⁷ Nə mi dəsi η a, mia dəsi tiin Dada ca. Co ifia a, mi dəsi i, i kpɔ ε.» ⁸ Filipù nu nə ε bə: «Àxotɔ disa Dàdà a nə mí, ənu kə mí lə ji a see nə.» ⁹ Yesu nu nə ε bə: «E diŋdin ɖefia i η lə kidə mi, i η dəsi η o. Amə kə kpɔ η a, kpɔ Dàdà a. Nə a tə nu bə: “Disa Dàdà a nə mí mɔ?» ¹⁰ Η xɔsə bə η lə Dàdà a mə, i Dàdà a lə ənyə mə a? Ənyɔ kə η nu nɔ nə mi a, jí nyi ənyə ɳta i nu nə wo o, vɔ a, Dada kə lə ənyə mə a, i wɔnɔ yeqta ɖe wo. ¹¹ Mi xɔ η sə bə: Η lə Dada a mə, i Dada a lə ənyə mə. Nə miŋ ɳka xɔ tiin nyɔ sə o, mi kpɔ də ɖe kə η lə wɔ

awo ị kpete, i xɔ ị sə. ¹² Ma nu àdodo nə mi: Amə kə xɔ ị sə a, la wɔ èdɔ kə ị lə wɔ awo, i la gbə wɔ ε wu ənə, ɖo ị yikɔ Dàdà a gbɔ. ¹³ Ènu ɖəsiadə kə mia byɔ lə tiin ɳkɔ mə a, ma wɔ ε, cagbətɔ nə Èvia na ɖe Dàdà ye kafukafu disa. ¹⁴ Nə mi byɔ ənuḍə lə tiin ɳkɔ mə a, na wɔ ε nə mi.

Yesu də Gbòngbòn Kòkɔ ye zə

¹⁵ Nə mi rɔn ị a, mia sə nə ətonu nə tiin sə wo a. ¹⁶ Naa byɔ Dàdà, i à dɔ Èjifanamətɔ bulɔmə ɖiɖa mi, i à nɔ miagbɔ tegbɛε. ¹⁷ Ye i, nyi Gbòngbòn àdòdotɔ a, ye i, nyi amə kə xixə a tɔ wo ị sunji i xɔ o, ɖo wó ị kpɔ ε o, kpɔ wó ị dəsi i o. Vò a, miawo a, mi dəsi i, i ị lə miagbɔ, i lə mia mə. ¹⁸ Nyi ị ka gbə mi ɖe də əccɔvi wo gbe mə o, vò a, naa va miagbɔ. ¹⁹ Zàànɖə ifia, xixə a mə tɔ wo ị ka gbə kpɔ ị o, vò a, miawo a, mi a kpɔ ị; ɖo ị lə àgbè, i miacawo mi a nɔ àgbè. ²⁰ Gbona a, mi a nya bə ị lə tiin Dada mə, i miawo mi lə ənyə mə, i nya ị lə miamə. ²¹ Amə kə xɔ nə tiin sə wo, i zɔnɔ dəji a, amə hunna i rɔn ị. Amə kə rɔn ị a, tiin Dada la rɔn ε, i ɳca ma rɔn ε, i a disa ɖəkinyə nə ε. ²² Judə ka Yesu sə bə: «Àxotɔ, nə i wɔmɔ i aa disa ɖəkiwo nə míawo ɖekən, i ị ka disa ɖəkiwo nə àgbètɔ wo see o?» ²³ Yesu rɔn nə ε bə: «Nə amədə rɔn ị a, a s'ətonu nə tiin nyɔ wo, i tiin Dada la rɔn ε, mía yi gbɔ, i wɔ mía nɔxɔ d'egbɔ. ²⁴ Amə kə ị rɔn ị a, ị sənə ətonu nə tiin nyɔ wo o. Vò a, nuxo hunna kə mi lə sə a, ị co əgbɔnyə o, vò a, tiin Dada kə dɔ ị ɖiɖa a gbɔ i i co. ²⁵ Ị lə nu ənyɔ hunna wo nə mi gakəmə ị lə mia domə a. ²⁶ Dàdà a la dɔ Gbòngbòn Kòkɔ ɖiɖa lə tiin ɳkɔ mə, ye i nyi Èjifanamətɔ a. A kpra ənu wo see mi, i la ɖoŋu ənu kə ị nu nə mi awo see nə mi. ²⁷ Fàfa i ị gbə ɖe nə mi; tiin fàfa i ị na mi. Nyə ị na mi sigbə xixə a nanə ε a wo. Vònvɔn ị ka ji mi o, kpɔ àdika ị ka co mi o. ²⁸ Mi sə i ị nu bə: “Ị yikɔ, vò a, na va miagbɔ.” Nə mi rɔn ị a, a nà mi jijɔ bə ị yikɔ Dada gbɔ, ɖo Dada wugan ị. ²⁹ Ị nu i nə mi ifia, gbòxɔ ənu hunnawo na jɔ, kina nə wo va jɔ a mia xo wo sə. ³⁰ Nyə ị ka gbə xo nuxo sùgbɔ kidə mi o, ɖo aməkə wugan xixə əla gbɔnɔ. Ị wɔ wunsə ɖe ɖe də əjinyə o, ³¹ Vò a, xixə a ɖo a nya bə ị rɔn Dada a, i wɔnə ənu sigbə Dada a dɔ ị a. Mi co, mía yi!

15

Yesu i nyi veenti àdodo a

¹ Ènyə i nyi veenti àdodo a, i tiin Dada nyi veenbojikpɔtɔ a. ² Alɔvi ɖəsiadə kə lə əwunyə, i la gbə cəncən a, Dàdà la co e ji. Vò a, é gra nə alɔvi kə nanə cəncən a do,

cagbətɔ nə a na cèncən wu ənə. ³ Mi nyi amə kɔkɔ vɔ cagbə ənyɔ kə ŋ nu nə mi a tɔ. ⁴ Mi nɔ ənyə mə, sigbə ŋ lə mia mə ənə. Veeenti lɔvi də ʃ ka tə nà cèncən ye ɖekən o, é də a nɔ veeenti a ŋ. Ènə a, nə mi ʃ nɔ ənyə mə o, mi ʃ ka tə na cèncən o. ⁵ Ènyə i nyi veeenti a, i miawo mi nyi alɔvi awo. Amə kə lə ənyə mə, i ŋ ca ŋ lə ya mə a, nanə cèncən sùgbɔ, də mi ʃ ka tə wɔ ənuɖekən lə tiin ŋgbə o. ⁶ Nə amə də ʃ lə ənyə mə o, é wɔɖe sigbə atilɔvi kə wo co daŋkpìn, i xu, i wo lɔ ε də èzo mə i ʃ bi ənə. ⁷ Nə mi nɔ ənyə mə, i tiin nyɔ wo nɔ miamə a, ənu kə mia byɔ a, mia kpɔ ε xɔ. ⁸ Ènu kə nanə kafukafu tiin Dada a i nyi bə mia na nə cèncən sùgbɔ. hunna i də disa bə mi nyi tiin dəkprɔvi àdòdo. ⁹ Ì rɔn mi sigbə tiin Dada rɔn ŋ ənə. Mi nɔ tiin rɔnrɔn mə. ¹⁰ Nə mi s'ətonu nə tiin sə wo a, mia nɔ tiin rɔnrɔn mə, sigbə ŋ s'ətonu nə tiin Dada ye sə wo i lə ye rɔnrɔn mə a ənə. ¹¹ Ì nu ənə nə mi cagbətɔ tiin jijɔ na nɔ miamə, nə mia jijɔkpɔkpɔ na nyi brebu. ¹² Tiin sə wo kə: Mi rɔn miadəkiwo, sigbə ŋ rɔn mi ənə. ¹³ Rɔnrɔn də ʃ wugan wo a cɔ amə əgbə sə na də amə xrɔ wo tamə o. ¹⁴ Nə mi zɔn də ənu kə ŋ dɔ mi a ji a, mia nyi èxränyə wo. ¹⁵ Nyi ʃ ka gbə yɔ mi bə aməsəntɔ o, də aməsəntɔ ʃ dənəsi ənu kə ye xotɔ lə wɔ o. Ì yɔ mi bə èxrä, də ŋ disa ənu kə ŋ sə lə tiin Dada gbo awo see nə mi. ¹⁶ Ì nyi miawo i can ŋ o, ənyə i can mi, i cɔ ədɔ də asi nə mi bə mia yi, i na cèncən, nə mia cèncən na nɔ anyi. Kina a, Dàdà la na mi ənu kə mia byɔ lə tiin ŋkɔ mə awo see. ¹⁷ Ènu kə ŋ lə dɔ mi a, i nyi bə mia rɔn miadəkiwo.

Xixə a gbə Yesu kidə ye dəkprɔvi wo

¹⁸ Nə xixə a gbə mi a, mia nya bə é gbə ŋ gbɔxɔ i va gbə mi. ¹⁹ Nə mi nyi xixə a tɔ a, xixə a mə tɔ wo la rɔn mi. Vò a, ŋ can mi lə xixə a mə, i mi ʃ gbə nyi xixə a tɔ o, yeidɔ i xixə a mə tɔ wo gbə mi. ²⁰ Mi ɖoŋu ənyɔ kə ŋ nu nə mi a: "Aməsəntɔ də ʃ wu nə əgan ye xotɔ o." Nə wó ɖefun ŋ a, wó a ɖefun nə miacawo, kpɔ nə wó zɔn də tiin nyɔ wo ji a, wó a zɔn də miacawotɔ ji. ²¹ Wó a wɔ ənu hunna wo nə mi, cagbə tiin ŋkɔ tɔ; də wó ʃ dəsi amə kə dɔ ŋ ɖiɖa o a. ²² Nə nyə ʃ me ne va, i xonu nə wo o; wó ʃ ka nyi àgɔjətɔ o. Vò a, ifia kə ŋ va, i xonu nə wo a, wo ʃ ka gbə cɔ àgɔjəjə sə kə wo o. ²³ Amə kə gbə ŋ a, gbə tiin Dada ca. ²⁴ Ènu kə amə bulɔmə də ʃ wɔ kpɔ gbədə a, i ŋ wɔ lə wo domə, yeidɔ wo nyi àgɔjətɔ. Wó kpɔ ənu kə ŋ wɔ awo, ifia wó gbə ŋ, i gbə tiin Dada. ²⁵ Ènu hunna jɔ cág'bə nə ənu kə wo ŋrɔ də əsəwema mə na cε, yei nyi: "Wó gbə ŋ, də ənu də mato də ənu də ŋ." ²⁶ Gàkəmə Èjìfanəamətɔ kə maa dɔ ɖiɖa mi co Dada gbo a la va a, ya kə nyi Gbɔngbòn àdodo i co Dàdà gbo a, la ɖ'ekunu ŋ. ²⁷ i miacawo mia ɖ'ekunu ŋ, də mi l'ədu kidə ŋ co gɔməjəjə.

16¹ I nu ənyɔ́ hunna wo see nə mi, nə mi í ka gbə xàsé
dε o. **2** Wo a nya mi lə jifuwobəbəxø wo, ègà a ka xo vɔ,
i amə ɖekən kə la wù mi a la bubə Mawu dɔ i ye lə wɔ
ənə. **3** Wó a wɔ nə dø wó í dəsi ŋ o, kpɔ wó í dəsi
Dàdà a o. **4** Vò a, ŋ nu ənyɔ́ hunna wo nə mi, cagbətɔ
nə y'ègà va xo a, mia ɖoŋ ənyɔ́ kə ŋ nu nə mi awo.

Ecp kə Gbòngbòn Koko wɔnɔ a

«Nyi nu ənu hunna wo nə mi co gòmàjéjé o, dø l'èdu dε kidə mi. **5** Ifia, ŋ yikɔ amə kə
dɔ ŋ qidə a gbo. Kpɔ amə ɖekən ŋ lə miadomə i ka ŋ sə bə: "Lèfi ə yikɔ maa o? **6** Vò a, kə
ŋ nu ənə nə mi a, ɳtikuku dø aye mə nə mi. **7** Vò a, àdòdo i ŋ nu nə mi, ənyɔ́ nə mi bə
ma yi, dø nə nyə ŋ yi o, amə kə la də alɔ́ mi a í ka va o, vò a, nə ŋ yi a, na dɔ
ɛjìfanəamətɔ a qidə mi. **8** Nə i va a, a də disa nə xixə a mə tɔ wo bə, sùsu kə wo wɔ dε
də àgòjéjé ŋ, kidə kə wo wɔ dε də ənujɔ́ wɔwɔ, kidə kojodødø ŋ a, ŋ sɔgbə o. **9** Sùsu kə
wo wɔ dε də àgòjéjé ŋ a, ŋ sɔgbə o, dø wó í xɔ ŋ sə o. **10** Lə ənu jɔjɔ wɔwɔ kpaxo a, xixə
a mətɔ wo lə bù, dø ŋ yikɔ Dàdà a gbo, i mi í ka gbə kpɔ ŋ o. **11** Lə kojodødø kpaxo a,
xixə a mə tɔ wo lə bù, dø wo dø kojo nə acékpatɔ xixə əla tɔ vɔ. **12** ɿ wɔ ənu sùgbə dε i à
nu nə mi, vò a, mi í ka tə mɔjə wo mə ifia o **13** Gakəmə Gbòngbòn kə də nə àdodo disa la
va a, a kpɔ mi to àdodo a see mə. Í nyi yεnta ce mə i i a xonu do o, vò a, a nu ənu kə i
sə awo see nə mi, i à nu ənu kə la va jɔ a nə mi. **14** A cɔ kafukafu ŋ, dø ənu kə ŋ nu nə ε
a, i à nu nə mi. **15** Ènu kə nyi tiin Dàdà tɔ awo see i nyi tinyə. Yeido i ŋ nu nə mi bə, ənu
kə ŋ nu nə ε a, i à nu nə mi. **16** Zandə a, mi í ka gbə kpɔ ŋ o, i nə i gbə nɔ zandə a mia
gbə trɔ kpɔ ŋ.» **17** Kə i nu ənə a, ye dəkprɔvi dəwo lə nu lə wodekiwo domə bə: «Nukee i
lə nu nə mí ma? È nu bə: "Zandə a, mi í ka gbə kpɔ ŋ o, i nə i gbə nɔ zandə a, mia gbə
trɔ kpɔ ŋ. "I gbə nu bə: "ɿ ka yi Dàdà gbo".» **18** Nə "zandə a" lə nu mɔ? Mí í mɔjəmə o.»
19 Kə Yesu nya bə wó kaa ka ənyɔ́ ye sə a, é nu nə wo bə: «Mi lə ka miadəkiwo sə ənu kə
ŋ ka nu, i bə: "Zandə a, mi í ka gbə kpɔ ŋ o, i nə i gbə nɔ zandə a mia gbə trɔ kpɔ ŋ."»
20 Ma nu àdòdo nə mi bə: Mia lə fan avin, i la lə fan akwe, vò a, xixə a mətɔ wo la lə kpɔ
jìjì; mia lə fan akwe, vò a, mia kwe fanfan la trɔzun jìjì kpɔkpɔ nə mi. **21** Nə nyɔrun kaa
ji èvi a, à lə fan akwe, dø vèvəsəsə ye gàmə i sun nə ε; vò a, nə i ji èvi a jrɔ a, í gbə dø

n'ewun vèvè kè i sè a o, é nà nà jijokpokpò mè, dò è ji àgbètò. ²² Nènè kè i miacawo mi lè akwe fanfan mè qè ifia a nè, vò a, na gbè trò kpò mi, i èjì a jò mi, i jìjì kpokpò hunna a amè qèken ñ ka tè xò e lè miasi o. ²³ Azan hunna gbè a, mi ñ ka gbè ka ənuqèken ñ sè o. Èen àdòdo i ñ lè nu nè mi, Dàdà la nà mi ənuqèsiadè, kè mia byò e lè tiin ñkò mè a. ²⁴ Kèkè jè ifia a, mi ñ byò ənuqèken lè tiin ñkò mè hađo o. Mi byò ənu, mia kpò, kina a mia jijò kpokpò la brèbu.

Yesu qù lè xixè aji

²⁵ Ñ xo nuxo hunna wo see nè mi to əlododo mè, vò a, ègà la va xo, i nyè ñ ka gbè xo nuxo nè mi to əlododo mè o, ègà hunna mè a, na xonu nè mi gànàgànà dè Dada ñ. ²⁶ Azan hunna gbè a, mia byò ənu tiin Dada lè tiin ñkò mè, nyi ñ lè nu nè mi bè maa d'akpè nè Dada dè mia ta mè i o. ²⁷ Ðò Dada ñta ròn mi. Ë ròn mi cagbè ròn ròn kè mi dò ñ a tò, é ròn mi, dò mi xcsè bè Mawu i dò ñ qìda. ²⁸ Dada a gbo i ñ co i va xixè a mè, ifia, ñ lè co lè xixè a mè yikò Dàdà gbo.» ²⁹ Ye dèkpròvi wo nu nè e bè: «Ifia, è lè xonu nè mi gànàgànà, i ñ gbè xonè e to əlododo mè o. ³⁰ Ifia, mí nya bè è dèsi ənu wo see, i ñ gbè hian bè wo ka nè ənyù əwo sè o. Ènu hunna i dò, i mi xcsè bè è co Mawu gbo.» ³¹ Yesu ka wo sè bè: «Mi xcsè hɔntɔn a? ³² Ègàamè gbɔnɔ, é va ca vò, i mia gbando, i amè qèka qèka la trɔyi ye xo mè, i mia gbè ənyè qèken qè. Vò a, ñ nyi ənyè qèken i mi gbèdè o, dò Dada lè kidè ñ. ³³ Ñ nu ənyù hunna nè mi, nè mia kpò fàfa lè ənyè mè. Mi a sè vèvè lè xixèa mè, vò a, mi doji; dò ñ qù lè xixè a ji vò!»

17

Yesu xodè nè ye dèkpròvi wo see

¹ Kè Yesu nu ənè jrò a, é cò ŋkuvi d'èji, i bè: «Dada, ègà a xo, cò kafukafu nè əvio, nè əvio ca na cò kafukafu n'èwo. ² È na e ace dè àgbètò wo see ji, cagbètò nè a nà àgbè mavò amè kè è cò dè asi nè e awo. ³ Àgbè mavò a, i nyi wó a dèsi bè əwo i nyi Mawu àdodo qèka tɔtɔ kè le a, i la gbè desi bè Yesu Kriso i nyi amè kè è dò qìda a. ⁴ Ñ cò kafukafu n'èwo lè anyigbanji; i wò ədɔ kè è dò ñ bè ma wò awo jrò. ⁵ Ifia, Dada, nà ñ kàfùkafu kè ñ wɔdè l'ègbo əwo a; kàfùkafu hunna kè ñ wò qè gbɔxo xixè a na jò a. ⁶ «Ñ cò əwo disa nè amè kè è can lè xixè a mè, i cò wo dè asi ñ awo. Wó nyi tɔwo vò, è cò wo dè alɔ mè ñ, i wó s'ètonu nè tɔc nyɔ. ⁷ Wó nya ifia bè ənu kè è cò dè asinyè awo a, əgbɔwo i wó co. ⁸ Ðò ənyù kè è cò dè asi ñ a, ñ cò e nèwo, i wó xɔ wo, i nya bè ègbɔwo i

॥ co i xɔcə bə əwo i dɔ ॥ qidə. ⁹ ॥ lə xɔdə nəwo, nyə ॥ xɔdə nə xixəmətɔ wo o, vɔ a ॥
 xɔdə nə amə kə e cɔ də alɔ mə ॥ awo, dɔ wó nyi tɔwo. ¹⁰ ॥ nu kə nyi tinyə awo see i nyi
 tɔwo, i ənu kə nyi tɔwo awo see nyi tinyə; i tiin kàfūkafu lə də dəkia disa lə wo mə.
¹¹ Nyə ॥ gbə lə xixə a mə o, vɔ a, wawo lə xixə a mə, nya ॥ gbɔnɔ ègbɔwo. Dàdà Kɔkɔ,
 kpɔ wo ji lə tɔ ॥ nkɔ kə e nà ॥ a mə, nə wo a nɔ ॥ ɔekawɔwɔ mə, sigbə mī lə ॥ ɔekawɔwɔ mə
 ənə. ¹² Gakəmə ॥ lə wo gbɔ a, ॥ kpɔ wo ji lə tɔ ॥ nkɔ mə kə e na ॥ a mə; ॥ cɔn alɔ wo ji, i
 amə də ॥ bu lə wo mə o, zən lə əvi kə ka dɔn i Mawunyɔ wema nu a ॥ o. ¹³ Vɔ a, ifia ॥
 gbɔnɔ ègbɔwo, i lə nu ənyɔ əlawo gakəmə ॥ lə xixə a mə a, cagbətɔ nə tiin jijè na nɔ wo
 mə, i a nyi jijè kpɔkpɔ brəbu. ¹⁴ ॥ cɔ tɔ nyɔ də asi nə wo, i xixə a mətɔ wo gbə wo, dɔ
 wó ॥ nyi xixə tɔ o, nənə kə i nyə ca nyə ॥ nyi xixə a tɔ ənə. ¹⁵ Nyə ॥ lə byɔ bə na də wo
 jii lə xixə a mə o, vɔ a, na xɔ wo lə ənunɔen si. ¹⁶ Wó ॥ nyi xixə a tɔ o, nənə kə i ॥ ɔca nyə
 ॥ nyi xixə a tɔ ənə. ¹⁷ Wɔ nə wo a nyi tɔ wo to tɔ nyɔ kə nyi àdòdo mə. ¹⁸ Sigbə e dɔ ॥
 qidə xixə a mə, nənə kə i ॥ dɔ wo qidə xixə a mə nə. ¹⁹ Cagbə wo tɔ a, ॥ cɔ ॥ ɔekinyə sə
 sa ॥ ɔvɔ n'ewo, cagbətɔ nə wo cawo na cɔ wodəkiwo sə sa ॥ ɔvɔ də àdòdo a tamə. ²⁰ Nyə ॥
 lə xɔdə nə wo ॥ ɔkeken o, vɔ a, ॥ lə xo e nə amə kə la va xɔ ॥ sə, to tiinyc kə wo a nu ne
 wo a ji. ²¹ ॥ lə xɔdə nə wo a nyi ॥ ɔeka, Dàdà wo a nyi ॥ ɔeka sigbə nyə kidə əwo və mī nyi
 ॥ ɔeka a ənə; cagbətɔ nə xixə a na nya bə əwo i dɔ ॥ qidə. ²² ॥ cɔ kafukafu kə e cɔ ॥ a nə
 wo, cagbətɔ nə wo a nyi ॥ ɔeka a, sigbə nyə kidə əwo və mi nyi ॥ ɔeka a ənə. ²³ ॥ lə wo mə,
 sigbə woca e l'enyə mə ənə, nə wo a nyi ॥ ɔeka i lə brəbu, cagbətɔ nə xixə na nya bə əwo
 i dɔ ॥ qidə; i e rɔn wo sigbə e rɔn ॥ ənə. ²⁴ Dàda, ॥ ji bə, fi ॥ lə a, amə kə e cɔ də asi ॥ a
 wo ca na nɔ leena kidə ॥ ɔ; nə wó a kpɔ kafukafu kə e nà ॥ a. ॥ ðo e dɔ rɔnrɔn ॥ ɔgbɔxo
 xixə a na jɔ. ²⁵ Dàdà, əwo kə nyi amə jɔjɔ a, xixə a mə tɔ wo ॥ dəsi əwo o, vɔ a, nya ॥
 dəsi əwo, i amə əla wo nya bə əwo i dɔ ॥ qidə. ²⁶ ॥ də tɔ ॥ nkɔ disa nə wo, i la gbə də e
 disa nə wo dəji, cagbətɔ nə rɔnrɔn kə e dɔ ॥ a, na nɔ wo mə, nə ॥ ɔca ma nɔ wo mə.

18

wo lə Yesu

(Matie 26:47-56; Makə 14:43-50; Luka 22:47-53)

¹ Kə Yesu nu ənə jɔ a, ye kidə ye dəkprɔvi wo yì Sedrɔn tɔ a ॥ ɔgbə; Abrɔ ॥ ɔeka leena i
 ye kidə ye dəkprɔvi wo dɔ mə. ² Juda, kə ka sa Yesu dəsi leena, dɔ Yesu kidə ye
 dəkprɔvi wo bɔ nɔ də leena ॥ ɔdeeca. ³ Juda kpɔ àhwàkɔn kidə əmɔnucɔtɔ, kə
 Mawunɔsatɔ gan wo dɔ qidə awo kidə farizitɔ wo yi leena. Wó kpaði, i hən kanðegban

wo, èzòti wo, kidè àhwànu wo dè alɔ mə. ⁴ Yesu nya ənu kə ka jɔ dəji awo see, i zɔn yi wo gbo, i ka wo sə bə: «Mə ε i mi lə ji?» ⁵ Wó rɔn nə ε bə: «Yesu Nazareti tɔ a.» Yesu nu nə wo bə: «Enyə kə.» I Juda kə ka sa ε lə leena ɖe kidè wo. ⁶ Kə Yesu nu nə wo bə: «Enyə kə» a, wó gbo yi ɳgbə, i gejen. ⁷ Yesu gbə trɔ ka wo sə bə: «Mə ε i mi lə ji?» Wó rɔn nə ε bə: «Yesu Nazareti tɔ.» ⁸ Yesu gbə nu nə wo bə: «I] nu nə mi, bə ənyə kə; Nə i nyi ənyə i mi lə ji a, mi gbə amədəye wo ɖe nə wo a yi.»

⁹ Cagbətɔ nə ənyɔ kə i nu a na cε, yei i nyi: «Amə kə ə cɔ də asinyə awo ɖə ïj bù o.»

¹⁰ Simɔɔ Pyee hən èwi ɖe, i rɔ ε lə àku mə, i kpa əto ɖusimətɔ nə aməsəntɔ Mawuvɔsatɔ gan a tɔ, aməsəntɔ hunna tɔbə Macusə. ¹¹ Vò a, Yesu nu nə Pyee bə: «Cɔ tɔ wi də àku mə. E bu bə vèvəsəsə kɔfu kə tiin Dada na ɳ a, nyi ɳ na nu i e a?» ¹² Enə a, àhwàkɔn a, kidè amə kə lə kprɔ wo a, kidè əmɔnucɔtɔ Jifugan wo tɔ, wo lə Yesu, i bra ε. ¹³ Wó kprɔ ε sə yì Anà gbo jẹŋkɔ. Anà a, nyi Kayifu ye sinɔvi, i Kayifu nyi Mawuvɔsatɔ gan lə èxo hunna mə. ¹⁴ Vò a, Kayifu hunna i kpra Jifugan wo bə: «Nə amə ɖeka tɔtɔ ku də dùkɔn a tamə a, ó nyɔwu bə dùkɔn a see na gban.»

Pyee gbə bə ye ïj lə Yesu dəkprɔvi wo mə o

(Matie 26:69-70; Makə 14:66-68; Luka 22:55-57)

¹⁵ Simɔɔ Pyee kidè àdəkprɔvi bulɔmə kprɔ Yesu do. Àdəkprɔvi bulɔmə hunna a Mawuvɔsatɔ gan a dəsi i, ənə a, yeca ɖo Mawuvɔsatɔ gan ye xo mə kidè Yesu. ¹⁶ Vò a, Pyee nɔ xixənu l'agbo nu. Adəkprɔvi ɖeya kə Mawuvɔsatɔ gan dəsi a, do i xonu nə nyɔrun əmɔnucɔtɔ a, i kprɔ Pyee ɖo axo a mə. ¹⁷ Nyɔrun aməsəntɔ əmɔnucɔtɔ a ka Pyee sə bə: «Ewo ca ɳ nyi ɖeka lə ɳucu hunna ye dəkprɔvi wo mə a?» Pyee nu nə ε bə: «Eo nyə ïj lə wo mə o.» ¹⁸ Kə vùnɔ lə wɔ a, aməsəntɔ wo kidè əmɔnucɔtɔ wo bɔ èzo i lə xu i. Pyee ca lə wo mə i lə xu èzo.

Mawuvɔsagɔ gan ka ənyɔ Yesu sə

(Matie 26:59-66; Makə 14:55-64; Luka 22:66-71)

¹⁹ Mawuvɔsatɔ gan ka ənyɔ Yesu sə də ye dəkprɔvi wo kidè ye ənukpramə ɳ. ²⁰ Yesu nu dəj ɳə ε bə: «Gbaŋba i ɳ xonu lə nə amə wo see, ɳ kpra nə ənu amə wo lə jifubɔbɔxo wo kidè Mawusənxo wo, ləfi jifu wo bɔnə lə awo see, nyə ïj nu ənyɔ ɖe d'énugɔmə o. ²¹ Nukeejɔ i ə lə ka ənyɔ ɳ sə? Ka ənyɔ kə ɳ nu a sə, amə kə ɖo əto ɳ awo: Wawo nya ənyɔ kə ɳ nu awo.» ²² Kə Yesu nu ənə a, əmɔnucɔtɔ kə leena ɖe awo ɖeka xo ətomə nə ε, i nu bə: «Sigbə aa xonu nə Mawuvɔsatɔ gan mɔ a nə a?» ²³ Yesu nu nə ε bə: «Nə ɳ xonu

d'ègò a, nu ənu kə ñ nu d'ègò a ñ, kpɔ nə ñ xonu nyɔñgbín i a, nu ənu kə dɔ i e xo ətomə ñ a?»²⁴ Yesu brabra ənə, i Anà dɔ e qidà Kayifu Mawuvɔsatɔ gan a gbɔ.

Pyee trɔ gbə Yesu

(Matie 26:71-75; Makə 14:69-72; Luka 22:58-62)

²⁵ Ganamədo a, Simɔɔ Pyee leena i lè xu èzò, i wo ka ε sə bə: «Ewo ca ñ nyi ɖeka lè ye dəkprɔvi wo mə a?» Vò a, Pyee gbə i bə: «Eo nyi ñ lè wo mə o.»²⁶ Mawuvɔsatɔ gan ye məsəntɔ ɖeka, kə lè amə kə Pyee kpa əto nɔ a ye kukan mə a, nu nə Pyee bə: «Nyə ñ kpɔ əwo lè Abrɔ a mə kidə Yesu a?»²⁷ Pyee bə trɔ gbə. i zədeka a, kokro d'atɔ.

Wo kprɔ Yesu yi Pilatə ñkɔ

(Matie 27:1-2; 11-14 ; Makə 15:1-5; Luka 23:1-5)

²⁸ Wó kprɔ Yesu co lè Kayifu xo mə i kprɔ ε yi èdùgan a ye xo mə, lè nyidi tiin. Amə kə kprɔ ε yi awo ñ dɔ axo amə o, cagbətɔ nə wo a nyi amə kɔkɔ, i a d̄ù didivayixo a.

²⁹ Yeidɔ, i èdùgan Pilatə va do əgo wo də xixənu, i ka wo sə bə: «Àgò kee mi lè do ñjucu əla?»³⁰ Wó nu nə ε bə: «Nə ñ lè wɔ ənunçen də o a, mi ñ ka kprɔ ε va n'əwo o.»³¹ Pilatə nu nə wo bə: «Mi a ñtawo mi kprɔ ε, i ɖohwɛ nə ε, sigbə miasə byɔ mɔ a.» Jifugan wo nu nə ε bə: «Mí ñ wɔ ace d̄ε i a wù amə o.»³² Cagbətɔ nə ənyɔ kə Yesu nu d̄ε, də əku kə i ka ku ñ a, na ce.³³ Pilatə d̄o ye xo mə, i yɔ Yesu i ka ε sə bə: «Ewo i nyi Jifu wo fyc a?»³⁴ Yesu ka ε sə bə: «Ewoŋta susu mə i e nu ənyɔ hunna co a, nɔmì ənu kə amə buwo lè nu də əjonyə a i?»³⁵ Pilatə ka ε sə bə: «Jifu i nya ñ nyi a? Taa ɖukɔn ñta kidə Mawuvɔsatɔ gan wo i cɔ əwo də asi ñ. Nukee e wɔ?»³⁶ Yesu nu nə ε bə: «Tiin fycdúxo ñ nyi xixə əla mə tɔ o. Nə tiin fycdúxo mənɛ nyi xixə əla mə tɔ i a, tiin məsəntɔ wo la wɔ àhwà də tiin tamə, i wó ka ñ tə lè ñ va jifugan wo gbɔ o, tiin fycdúxo ñ nyi lela tɔ o.»

³⁷ Pilatə nu nə ε bə: «Efyc i e nyi nə sa?» Yesu nu nə ε bə: «Ewo i lè nu i bə ñ nyi əfyc. Wo ji ñ, i ñ va xixə a mə i a d̄'ekunu nə àdòdo a.» Amə kə kprɔ nə àdòdo awo see d̄o nə əto ñ. ³⁸ Pilatə ka ε sə bə: «Nukee yi àdòdo a?»

Wo ɖo èkuhwɛ nə Yesu

(Matie 27:15-31; Makə 15:6-20; Luka 23:13-25)

Kə Pilatə nu ənyɔ hunna wo jrɔ a, é ve kpɔ Jifugan wo lè xixənu, i nu nə wo bə: Nyi ñ kpɔ àgòjèjè ɖekən, i la sə ɖo èkuhwɛ nə ñjucu hunna o.³⁹ Vò a, lè mia kɔnu wɔwɔ mə a, ñ ɖənə ègasəntɔ ɖeka do lè didivayi xo gbə. Mi ji bə ma daci Jifu wo fyc d̄ε nə mi a?⁴⁰ Wó

də axa bə: «Əo, ñy nyi yei woa dacidə nə mí o! Banabasə i mí ji bə wo a dacidə.» Vò a, Banabasə hunna ənunçenwɔtɔ i ì nyi.

¹⁹ Enə a, Pilatə d'egbə bə wo a kprɔ Yesu yì, i xo e kidə ssivo. ² Sɔja wo cɔ awunja rɔn əfyɔkuku, i sə d'ēta nə ε, wó cɔ awù jen qeka sə do nə ε. ³ Wó gbo təbɔ ε, i nu nə ε bə: «Mi ci əwo Jifu wo fyɔ!» I wó tɔ ε xoxo.
⁴ Pilatə gbə trɔ do, i nu nə amə kə lə xixənu awo bə: «Na kprɔ ε va xixənu nə mi, nə mia nya bə nyi ñy kprɔ àgɔjəjə qekən, i la sə qo èkuhwe nə ε o.» ⁵ Yesu do va, i lə awù jen a mə, i awunja kuku a l'ēta nə ε. Pilatə nu nə wo bə: «Jucu a kə!» ⁶ Vò a, kə Mawuvɔsatɔ gan wo, kidə əmɔnucətɔ wo kprɔ ε a, wó də axa bə: «Kran ε də aticoga ji! Kran ε də aticoga ji!» Pilatə nu nə wo bə: «Míantawo mi xɔ ε, i kran ε də aticoga ji.» Nya ñy kprɔ àgɔjəjə qekən i la sə qo èkuhwe nə ε o. ⁷ Jifugan awo nu nə ε bə: «Mí wɔ əsə qε, i nə mi zɔn də əsə a ji a, é qo a ku. Đo é bə ye nyi Mawu Èvi.» ⁸ Kə Pilatə sə ənyɔ hunna a, vònɔn gbə ji i kpe e. ⁹ É gbə qo àxo a mə, i ka Yesu sə bə: «Ləfi ə co?» Vò a, Yesu ñy nu ənyɔ qə dəj nə ε o. ¹⁰ Pilatə nu nə ε bə: «Ènyə i ə vindəmə nɔ a? Ñy nya bə ñy wɔ ace qε i a dici əwo qε, nɔmi i a kran əwo də aticoga ji e a?» ¹¹ Yesu nu nə ε bə: «Í qo àce qekən

də əjinyə, nə ŋ nyi Mawu i na əwo o. Yeidə amə kə cə
ŋ də asi n'əwo a jə àgò sùgbə wu əwo.»¹² Co gànämə i
Pilatə ləji a qə Yesu do, vò a, jifu wo də axa bə: «Nə ə
daci i qə a, íj nyi əfyəgan a ye xrə o! Amə qekən kə bə
ye nyi əfyə a, ə tɔn àhwà əfyəgan a i!»¹³ Kə Pilatə sə
ənyə hunna wo a, ə qə Yesu do va xixənu, i kanren də
kojodəqozinkpin ji, wo yɔnə leena də Ebregbəmə bə
Gabataa ye gəmə i nyi "Ekpənyigban."¹⁴ Didivayixo a
kpətə ècə lə gəwivə mə ənə a, Pilatə nu nə Jifu wo bə:
«Mia fyə kə!»¹⁵ Vò a, wó tə axa dədə bə: «Wù i ! Wù i!
Kran ε də aticoga ji.» Pilatə ka wo sə bə: «Ma kran mia
fyə də aticoga a?» Mawusatəgan wo rɔn nə ε bə: «Mí íj
wɔ əfyə qə qə wu Rɔmafyaŋan o.»¹⁶ Kə i nyi ənə a,
Pilatə daci Yesu qə nə wo a kran ε də aticogaji.

Wo kran Yesu də aticiga ji

(Matie 27:32-44; Makə 15:21-32; Luka 23:26-43)

Wó kprə Yesu jə mə.¹⁷ Yenja dro ye ticoga, i do lə ədugan mə yi lefi wo yɔnə bə
"Etaxugo toho a", i tɔbə Golgota də Ebre gbəmə.¹⁸ Leena i wó kran Yesu kidə amə
aməvə buwo də aticogaji lə, amə qeka lə qusi, i èvə a tə lə əminyə mə, i Yesu lə
donjdomə.¹⁹ Pilatə ɳrɔ ənuqeka də aticoga aji, i ɳrɔ bə: «Yesu Nazaretitə, Jifuwo fyə.»²⁰
Jifu sùgbə hrən ənuŋrɔɳrɔ hunna, qo ləfi wó kran Yesu do a təbə èdùgan a, i
ənuŋrɔɳrɔ a lə Ebre gbə mə, latin gbə kidə greki gbə mə.²¹ Mawuvɔsatəgan jifutə wo nu
nə Pilatə bə: «Ka ɳrɔ "Jifu wo fyə o", vò a ɳrɔ bə: "Nyucu hunna nu bə: Ye nyi jifu wo
fyə."»²² Pilatə nu nə wo bə: «Enu kə ɳ ɳrɔ a, ɳ ɳrɔ ε vɔ.»²³ Kə sɔja wo kran Yesu də
aticogaji jrɔ a, wó cə ye wu wo, i ma ε də toho amənə, i amə qekədəka xɔ yetɔ. Wó cə

ye wu gaŋgan kə ɳu ənutɔntɔnkpa ñ lə a; i nyi àvòn ḥeka co ḫji va àgòmè. ²⁴ Soja awo nu lə woɖəkiwo domè bə: «Mí ñ ka vu awu hunna o, vò a mía da àkɔ d'ɔji i a kpɔ amə kə la ðù i a.» Ènu nyi ənə, cagbətɔ nə ənu kə Mawunyɔ nu a na ce, yei nyi bə: «Wó ma tiinwu wo, i dà àkɔ də tiinwu gaŋgan a.» Ènu kə soja wo wɔ a nə. ²⁵ Yesu ye nana, ye nana ə nɔvi nyɔrun, Mari Klopasi əsi kidə Mari kə co Madala a, wo l'etə lə aticoga ye kpədeka. ²⁶ Kə Yesu kpɔ ye nana a, i adəkprɔvi kə i rɔn a lə akpaɖeka nə ε a, é nu nə ye nana bə: «Kpɔ əvi wo nə.» ²⁷ I ì nu nə àdəkprɔvi a bə: «Kpɔ tɔɔ nana nə.» I co ḫgà hunna mə a, adəkprɔvia xɔ ε də ye xo mə.

Yesu ku

(*Matié 27:45-56; Makə 15:33-41; Luka 23:44-49*)

²⁸ Kina ɳgbə a, Yesu nya bə, ifia, ənuwo see yi vòvòmè, i nə Mawunyɔ a na ce a, é nu bə: «Ècigòmè tən ɳ.» ²⁹ Èzə ḥeka leena i veeen hwanhwan ðɔ ε, soja wo cɔ àvònvi nyɔr də veeen a mə, i sə tɔ də əjəti nu, i sə də ènù nə Yesu. ³⁰ Yesu nù veeen hwanhwan a, i bə: «Ènu wo see yi vòvòmè.» I də ətagu, i bɔnu ³¹ Gbona a, Jifuwogbɔngbɔnzan kpɔtɔ ḫcɔ i, i wó ñ lə ji bə aməkuku wo na nɔ aticogaji lə gbɔngbɔnzaagbə o. Gbɔngbɔnzan a azan vəvə i ì nyi nə jifu wo. Wó ve byɔ Pilatə bə na ð'ègbə nə wo a gban afɔxu nə aməkuku awo, i a ðə wo ji lə aticogaa ji. ³² Soja wo yi aməkuku kə wo kran də aticogaji kidə Yesu awo gbo, i gban afɔxu nə aməjəŋkɔtɔ a, i gban nə èvè a tɔ. ³³ Vò a, kə wó va Yesu gbo a, wó kpɔ bə é ku vò, wó ñ gbə gban afɔxu wo nə ε o. ³⁴ Vò a, soja awo domətɔ ḥeka tɔ əwi axatimè nə Yesu i ḫhun kidə ḫci do zədəka. ³⁵ Amə kə kpɔ ənu a, ð'ekunu, i ye kunu ðədə nyi àdòdo, é nya bə àdòdo i ye lə nu, cagbətɔ nə miaca wo mia xɔsə. ³⁶ Ðo ənu hunna wo see jo nə ənu kə Mawunyɔwema nu a, na ce, yei nyi: «Wo ñ ka gban ye xu ḥeken o.» ³⁷ I wema bulɔmè gbə nu bə «Wó a kpɔ amə kə wó tɔ əwi axatimè nɔ a.»

Wo ði Yesu də yɔdomè

(*Matié 27:57-61; Makə 15:42-47; Luka 23:50-56*)

³⁸ Lə ənu hunna wo ɳgbə a, Jozefu kə co Arimate, i nyi Yesu ye dəkprɔvi vò a, ñ ðə nə ḥekia disa o, cagbə jifugan wo tɔ. È ve byɔ gbə lə Pilatə gbo, i a ðə Yesu əku ji; i Pilatə na ègbə e, i ì ve ðə Yesu əku a ji. ³⁹ Nicodemu kə ve kpɔ Yesu lə èzanmè a ca va, i hən Mire kidə Alowesə kiloo əgban ənə va. ⁴⁰ Wó amèvè awo cɔ Yesu əku a, i tro àvòn də e, i sì ami hɔntə wo nə ε sigbə jifu wo wɔnə lə wo kɔnu mə i na ði aməkuku wo a. ⁴¹ Ləfi wo kran Yesu do a, Abrɔ ḥeka leena, i lə Abrɔ a mə a, əyɔdo ye ye ḥeka leena, i wo ñ ðì amə

dəmə kpə gbədqə o. ⁴² Azan hunnagbə i jifu wo lə kpadjì də nə wo gbɔngbɔnzan a, kə əyədo a təbə leena a, wó ve dì Yesu də mə.

20

Yesu əyədo lə gbale

(Matié 28:1-8; Makə 16:1-8; Luka 24:1-12)

¹ Lə kcsidagbə ñgbangbansi a, Mari kə co Madala a yi əyədo a gbo, é kpə bə wo də əkpə a ji lə əyədo a nù. ² É sudu yi Simcɔ Pyee kidə adəkprɔvi kə Yesu də rɔnɔn nə a gbo, i nu nə wo bə: «Wo də Yesu jii lə əyədo a mə, i mí Í nya ləfi wo cə ε do o.» ³ Pyee kidə adəkprɔvi ɖeya yi əyədo a gbo. ⁴ Wo a aməvə awo sudu, vò a, adəkprɔvi ɖeya sudu zən lə Pyee ï, i də əyədo a gbo jəŋkɔ. ⁵ É bubɔ i kpə əyədo a mə, i kpə àvòn kə wo sə tro də e awo leena, vò a, Í də mə o. ⁶ Simcɔ Pyee ciŋgbə va, i də əyədo a mə. É kpə àvòn kə wo sə tro də e awo leena; ⁷ kidə àvòn kə wo sə cən èta nə Yesu a, àvòn hunna Í lə àvòn ɖeya wo mə o, é lə brabra l'əvo. ⁸ lə ye yomə a, adəkprɔvi ɖeya kə va əyədo a gbo jəŋkɔ a ca ɖomə; é kpə, i xcsə. ⁹ Kəkə jə ðgà hunna mə a, adəkprɔvi awo Í mɔnɔjə Mawunyɔ kə nu bə Yesu a nyɔ lə aməkuku wo mə a mə o. ¹⁰ I adəkprɔvi aməvə awo trɔyi wo xo mə.

Yesu disa ɖəkia nə Mari kə co Madalaa

(Matié 28:9-10; Makə 16:9-11)

¹¹ Mari lətə lə əyədo a gbo, i lə fan àvin. Kə i lə fan àvin a, é bubɔ kpə əyədo a mə. ¹² É kpə Mawunjədotɔ aməvə i wó do awu əye, i kanren də də ləfi wo cə Yesu əku do a, i ɖeka lə ye ta rigbə i ðvè a tɔ lə ye fɔ rigbə. ¹³ Mawunjədotɔ awo ka Mari bə: «Nukeejɔ ə lə fan avin?» É nu nə wo bə: «Wo də tiin Xotɔ ji, i nyə Í nya ləfi wo cə ε do o.» ¹⁴ Kə i nu ənə jrɔ a, é trɔ kpə ñgbə, i kpə Yesu lətə, vò a, Í nya bə Yesu i o. ¹⁵ Yesu ka ε bə: «Nukeejɔ ə lə fan àvin? Mə ε i ə lə ji?» Mari bubə abrɔcɔtɔ i, i nu nə ε bə: «Nə i nyi əwo i cə ε a, nu ləfi ə cə ε do a ï, nə ma ve cə ε.» ¹⁶ Yesu yɔ ε bə: «Mari!» I ì trɔ, i dəŋkɔ ε, i yɔ ε də Ebre gbə mə bə: «Rabuni!» Ye gɔmə i nyi "Àxotɔ!" ¹⁷ Yesu nu nə ε bə: «Ka lə Í dətə o! Ðo nyə Í yì tiin Dada gbo xaɖo o. Vò a yì nɔvinyə wo gbo i nu nə wo bə: "Í yiko tiin Dada kə nyi miacawo Dada a gbo; tiin Mawu kə nyi miacawo Mawu a gbo."» ¹⁸ Mari kə co Madala va yi adəkprɔvi awo gbo i do nu nə wo bə: «Í kpə Àxotɔ!» I do ənə kə Àxotɔ do a nə wo.

Yesu disa dəkia nə Ye dəkprɔvi wo

(Matie 28:16-20; Makə 16:14-18; Luka 24:36-49)

¹⁹ Gbɔnana lə kɔsiqagbə fyenyi a, adəkprɔvi awo bɔ də əxɔ qeka mə qɛ. Wó gra əhc, də wó lə vònvcən nə jifugan wo. Yesu qdə əxɔ amə, i nɔtə lə doŋdomə nə wo, i nu nə wo bə: «Fàfa na nɔ kidə mi!» ²⁰ Kə i nu ənə ne wo jrɔ a, é disa ye lɔ wo kidə ye xatimə nə wo. Èji jɔ adəkprɔvia wo sùgbɔ kə wo kpɔ Àxotɔ a. ²¹ Yesu gbə trɔ nu nə wo bə: «Fafa na nɔ kidə mi! Sigbə Dada dɔ ɲ dìda a, ɲ ca ɲ dɔ mi dìda.» ²² Kə i nu ənə jrɔ a, é qdə fufu də wo, i nu nə wo bə: «Mi xɔ Gbòngbòn Kɔkɔ!» ²³ Nə mi cɔ àgòjèjè kə amə qdə a, Mawu la sə kə e. Vɔ a, nə mi Ȣ cɔ àgòjèjè kə amədə o, Mawu Ȣ ka sə kə e o.»

Yesu disa dəkia nə Tɔmaa

²⁴ Gankə, Toma, kə nyi qeka lə adəkprɔvi aməwivè awo mə, i wo yɔnə bə: «Èkranvi a», Ȣ lə wo mə qdə kə Yesu va a o. ²⁵ Adəkprɔvi kə leena qdə awo nu nə Tɔmaa bə: «Tɔmaa, mí kpɔ Àxotɔ a.» Vɔ a, Tɔmaa nu nə wo bə: «Nə nyə Ȣ kpɔ fleŋgobi awo lə ye lɔ wo mə, i cɔ tiin lɔvi wo də fleŋgobi awo mə o; i cɔ tiin lɔ wo də ye xatimə o, nyi ka xɔ ε sə o.», ²⁶ Ùkékə nyi a tɔ mə a, adəkprɔvi awo gbə bɔ lə əxɔ a mə i Toma lə wo domə, èhcn a lə gàgra qdə, i Yesu qdə əxɔ a mə, i nɔtə lə wodoŋdomə, i bə: «Fafa na nɔ kidə mi!» ²⁷ I ì nu nə Tɔmaa bə: «Vru tɔ lɔvi də lela, i kpɔ tiin lɔ wo, i vru tɔ lɔ i cɔ ε də tiin xatimə. Ka gbə xonə ənu kpɔ o, xcsə!» ²⁸ Tɔmaa nu nə ε bə: «Tiin Xotɔ, tiin Mawu!» ²⁹ Yesu ka ε sə bə: «Kə ə kpɔ Ȣ a, i dɔ i ə xcsə a? Ènu nyɔ nə amə kə Ȣ kpɔ o, i xcsə awo!» ³⁰ Yesu gbə wɔ dəsi amrimanutɔ sùgbɔ bu wo lə àdəkprɔvi awo Ȣkɔ, i wó Ȣ lə wema əla mə o. ³¹ Vɔ a, wo Ȣrɔ ənu kə ləmə awo cagbətɔ nə mia xcsə bə Yesu i nyi Xògàntɔ, Mawu Èvia. I nə mi xcsə a, mia kpɔ àgbə to ji.

21

Yesu disa dəkia nə ye dəkprɔvi wo lə Tiberiadə ètɔ to

¹ Kina Ȣgbə a, Yesu gbə trɔ disa dəkia nə ye dəkprɔvi wo lə Tiberiadə ètɔ to. Sigbə i disa dəkia nə wo mɔ a kə: ² Simɔ Pyee, Tɔmaa kə tɔbə «Èkranvi a.» Natanayelə kə co kana lə Galile a, Zebede èvi Ȣucu wo, kidə Yesu ə dəkprɔvi aməvè bu wo lə ədu. ³ Simɔ Pyee nu nə wo bə: «I yikɔ èhwe lə gbə.» Wó nu nə ε bə: «Míacawo mía yi kidə əwo.» Wó qdə ətɔjihun mə i yi, vɔ a, wó Ȣ lə ənuqə lə èzan hunna mə o. ⁴ Kə əwun kə a, Yesu va ètɔ a to, vɔ a, adəkprɔ awo Ȣ nya bə ye i o. ⁵ Yesu ka wo sə bə: «Èvinyə wo, mi Ȣ wɔ

əhwə də də a?» Wó gbə bə: «Èo»⁶ É nu nə wo bə: «Mi da mia də wo də dùsimə nə ètɔjihun a mia lə əhwe wo.» Wó da ədə a nyawo, i lə èhwe sùgbə kəkə wó ñ ka tə dɔn ε do lə ətɔ a mə o.⁷ Àdəkprɔvi kə Yesu rɔn a, nu nə Pyee bə: «Àxotɔ i!» kə Simɔɔ Pyee sə bə Àxotɔ i a, é cə ye wu sə sa də arin; i zo jə ətɔ a mə, də ñ do awu də o.⁸ Àdəkprɔvi ɖeyawo kù ètɔjihun a va àgəji, i dɔn ədə a kidə əhwe sùgbə do, wó ñ gbə diŋdin də àgəji wu ənujrəkpo kavətakpo (100) ənə o.⁹ Kə wó ñi a, wó kpɔ àkan zo ɖeka, i əhwe l'ənu, i kpɔnɔ ca leena.¹⁰ Yesu nu nə wo bə: «Mi cə əhwe kə mi lə awo ɖeka va.»
¹¹ Simɔɔ Pyee də ətɔjihun a mə, i dɔn ədə kə əhwe də də awo va anyigban mə; əhwe kàtɔn takpo ciwo citɔn (153) i wo lə. Èhwe a sùgbə də ənə gbɔxø ədə a ñ co o.¹² Yesu nu nə wo bə: «Mi va ñù ənu.» Adəkprɔvi awo ɖekən ñ doji i kasə bə: «Mə ε i ə nyi ma o?» Đo wó nya bə Àxotɔ i.¹³ Yesu gbo təbɔ wo, i cə kpɔnɔ a, i na wo, i ma əhwe ca nə wo.¹⁴ Zətɔn a tɔ i Yesu lə disa ɖekia nə ye dəkprɔvi wo co gákəmə i nyɔ co əku a nə.

Yesu cə ədə ɖeka də asi nə Pyee

¹⁵ Kə wó ñù ənu jɔ a, Yesu nu nə Simɔɔ Pyee bə: «Simɔɔ Jaan èvi, ə rɔn ñ wu amə əlawo a?» É rɔn nə ε bə: «Èen Àxotɔ, ə nya bə ñ də rɔnɔn n'əwo.» Yesu nu nə ε bə: «Nyì tiin ringbɔvi wo ñ.»¹⁶ Yesu gbə ka ε sə zèvè a tɔ bə: «Simɔɔ Jaan èvi, ə rɔn ñ wu amə əlawo a?» É rɔn nə ε bə: «Èen Àxotɔ, ə nya bə ñ də rɔnɔn n'əwo.» Yesu nu nə ε bə: «Ləbə nə tiin ringbɔ wo.»¹⁷ Yesu nu nə ε zètɔn a tɔ bə: «Simɔɔ Jaan èvi, ə rɔn ñ a?» Èju ku Pyee kə Yesu ka ε sə zètɔn a tɔ bə: È də rɔnɔn ñ a? I ì rɔn nə ε bə: «Èen Àxotɔ, ə dəsi ənuwo see, ə nya bə ñ də rɔnɔn n'əwo.» Yesu nu nə ε bə: «Nyì tiin ringbɔ wo.»¹⁸ Ma nu àdodo nə mi, kə ə lə ɖekəjəvi mə də a, woŋta i branə akpa nə ɖəkiwo, i yinə afi kə jro əwo a; vò a, gákəmə aa kpo nyɔxø a, aa kɔ tɔ lɔ wo də èji, i aməbu la bra akpa n'əwo, i la kprɔ əwo ləfi ñ jro əwo a o.»¹⁹ Yesu nu ənə, i la sə də əku kə Pyee də a ku, i la sə də Mawu ye kafukafu disa a. Yesu nu nə ε bə: «Kprɔ ñ do!»

Yesu kidə àdəkprɔvi kə i rɔn a

²⁰ Pyee trɔ kpɔ ñgbə, i kpɔ àdəkprɔvi kə Yesu də rɔn a, ye i cə əta də akɔtanu nə Yesu gákəmə wo lə ñù ənu, i ì kasə bə: «Àxotɔ, mə ε i ka sa əwo a?»²¹ Kə Pyee kpɔ ε a, é ka Yesu sə bə: «I ya ɖee, Àxotɔ, nukee la va jɔ d'èji?»²² Yesu nu nə ε bə: «Nə ñ ji bə na nɔ agbə kəkə jə gbəkikə na trɔva a, nukee kan əwo lə mə? Èwo a, kprɔ ñ do!»²³ Ènyɔ hunna gban də nɔvixɔsətɔ wo mə bə adəkprɔvi hunna ñ ka ku o. Lə àdòdo mə a, Yesu ñ nu bə ñ ka ku o. Vò a, é nu bə: «Nə ñ ji bə na nɔ àgbə kəkə jə gbəkikə naa trɔva a, nukee

kan əwo lə mə?»²⁴ Àdəkprɔvi hunna i d'ekunu ənu hunnawo t̄, i ŋrɔ wo, i mí nya bə àdodo i ì lə nu.²⁵ Yesu gbə wɔ ənu sùgbɔ bu wo, nə wo a ŋrɔ wo see a, ŋ kpɔ bə xixə a í ka tə hən wo o.